


LINZWI LA SISUPO

 Muyeme onacwalo fa muzuzu fela fa Pila Mulena. Halubaleni mwa Linzwi la Hae, mwa Exoda, kauhanyo ya 4.

. . . Mushe kiha alaba mi ali, Kono, bona, habana ku ni lumela, kamba kuutwa linzwi laka: kakuli ba ka li MULENA asika bonahala ku wena.

Mi MULENA sali ku yena, Kisikamañi seo mwa lizoho la hao? . . .ki hali, Ki mulamu.

Mi ki hali, U nepele fafasi. Mi kiha u nepela fafasi, mi wa fetuha noha; mi Mushe asaba fapila yona.

Mi MULENA ali ku Mushe, Otolola lizoho la hao, mi uinanulele kwa muhata. Mi ki ha otolola lizoho la hae, ni ku iswala, mi ya fetuha mulamu mwa lizoho la hae:

Kuli bakone kulumela kuli MULENA Mulimu wa bo ndata bona, yena Mulimu wa Abrahama, Mulimu wa Isaka, ni Mulimu wa Jakobo, uiponahalize ku wena.

Mi MULENA ali ku yena hape, Beya lizoho la hao cwale mwa sifuba. Mi kiha beya lizoho la hae mwa sifuba sa hae: mi asa li zusize, amubone, neli mbingwa sina litwa.

Mi ki hali, Beya lizoho la hao mwa sifuba sa hao hape. Mi kiha beya lizoho la hae mwa sifuba hape; ni ku lizusa mwa sifuba sa hae, mi, amubone, neli fetuhile hape sina mubili omuñwi.

Mi ku kaezahala kuli, haiba habana kuku lumela, kamba ku teezeza kwa linzwi la sisupo sapili, konakuli baka lumela ka sisupo sa mwa mulaho.

Mi ku kaezahala kuli, haiba ha ba na kuku lumela, lisupo zepeli ze, kamba ku teezeza kwa linzwi la hao, konakuli uka nga kwa mezi a mwa nuka, ni ku a sululela fa mubu o omile: mi mezi o zusize mwa nuka aka fetuha mali fa . . .mubu o omile.

² Halu inamiseni litho zaluna kwa tapelo. Cwale muna ni kupo, ka manzibwana cwana, yeo mu tabela ku zibahalisa ku Mulena, mu nanule fela mazoho amina ni kubulela kuli, “Mulena, uni hupule cwale. Ni tokwile.”

³ Ndata luna Yakwa Lihalimu, lwa Ku atumela hape manzibwana aa, ka kulemuha kuli halunze luinamisize litho zaluna kutalimana ni maluli kona ko lu zwile, mi, haiba U liyeha, luka kutela kwa liluli. Kono ka sepo ye fuyozwi yeli ku Kreste, kuli bao kaufela babali ku Mulimu Kreste uka zuha nibona Yena luli. Lwa—lwa itumela ku Wena ka sepo ya kanya ye. Mi

Na lapela, Mulimu, kuli Uka hupula mañi ni mañi wa bona baba nanuzi mazoho abona, ni aka cwalo, Mulena.

⁴ Na lapela, busihu bo, kuli ka kukwala kwa hola ya tumelo ye, kuli Ufe sicaba tumelo yateñi busibu bo, kuli Mulena Jesu ukaba wa niti ku mutu ni mutu wa luna, kuli hakuna kuba mutu ya fokola hasamulaho a busihu bwa kacenu. Muezalibi kaufela alemuhe kuli uinzi fa Pila Mulena Jesu, mi abakele libi za hae, ni kufa pilu ya hae ku Wena, ni kutazwa ka Moya; mwa hola yemaswe ya mafelelezo ye, sina ha lu ibona sina muluti omutuna onzo hohobela fa lifasi.

⁵ Lwa lapela, Mulimu, ka tamaiso ya Bumulimu, busihu bo, kwa neku la kubulela ni kuutwa. Mo Moya o Kenile unge mukopano cwale ni kuloba Sinkwa sa Bupilo ku mutu ni mutu wa luna kuya ka mo lutokwela, kakuli lwa likupa ka Libizo la Hae. Amen.

Mwakona kuina.

⁶ Ni sepa kuli busihu bwa kacenu luka kona kufeza se lu lika kuli batu babone, ona—ona buniti bwa kuba ni tumelo ku Mulimu.

⁷ Cwale, kamuso musihali ka tu seti, bani kaufela baba nani makadi a litapelo baka lapelelwa. Mi ni kubona hande kuli hakuna mutu yaka siiwa, hokusina makadi a litapelo, busihu ni busihu lwa fanga makadi a litapelo. Mi yena uka afa hape kamuso, hakulata. . . Na bona, ka wani seti kamba yeñwi yecwalo, mukopano usika kala kale. Mi kaufela baba lakaza ku lapelelwa, balatiwa ba mina kaufela, atahe mi ange kadi ya tapelo. Bao baka—baka amuhelwa kwa kufumana kadi ya tapelo. Mi luka ba. . .

⁸ Nika lapelela sicaba, ka kubeya mazoho fahalimwa bona ni ku ba lapelela. Cwale haiba tumelo yamina haikoni ku nanuha fa Pila Mulena Jesu ni ku Mu amuhela kuba Mufolisi wa mina, mi mu lumela kuli hane lu ka lapela ni kubeya mazoho fahalimwa mina, sani ne si katusa, kihande, kaniti luteni mo kwa kuezsa sika kaufela semu lakaza.

⁹ Libaka le Ni iselize taba ye kuisa busihu, butelele, ka kubona kuli mutu kaufela yene Ni kona, ki ya na kona kufita ni kunga Mulimu ka mayemo ani. Mi haluna babañata hahulu. Kuna ni. . .Muyaho ha ki o mutuna, mi kacwalo haluna hahulu batu babañata. Mi lwakona kunga musihali wa kamuso ni ku lapelela kaufela be lunani mo, ili kubeya musihali ka musebezi wani, ona ku lapelela bakuli.

¹⁰ Mi luteni mo kuto eza sika kaufela selu kona ili kutusa bupilo kuli bu be bunolo nyana ku mina, ku nolofaza mutiyo, mwa musipili olusweli kuzamaya oo.

¹¹ Mi he ka nako kaufela, kuli mutu kaufela ya ikutwa kuli—kuli utabela kutaha ku Mulena Jesu, hakuna taba kamba ki

mufuta mañi wa sebelezo ye ezahala, mutahe fela ona cwalo. Musike mwa libelela kufitela kubizwa kwa katala ku ezahala. Musike mwa litela kufitela memo i fiwa. Mutahe fela ona fo, mu amuhele Kreste, mi mutahe ona cwalo fela ni kuto ipulela ku Yena ona fani. Kakuli wani kona mulelo tuna waluna fa kuba mo, ki kubona mioyo haipepwa mwa Mubuso wa Mulimu.

¹² Mi cwale, kamuso ki la Sunda, mi kukaba sikolo sa la Sunda, ona likeleke. Libaka le lu belanga ni lisebelezo mwa musihali, la Sunda, ki kuli lusike lwa lyanganisa sebelezo kaufela ni hanyinyani. Lu lumela kuli Mukreste kaufela ulukela kuba ni—ni keleke kwa yanga. Mukreste kaufela ulukela kukopananga kokuñwi ni balumeli. Mi kaufela ko mukopanela, yani ki keleke.

¹³ Cwale, kambe ne Ni pila kwanu, Ne ni kaba alimuñwi wa likeleke zeliteni kwanu, zeo balisana ba kwanu, baba swalisani, bayemela. Kiñi? Kakuli bainzi kwanu banze bainzi kwa katala, ili kuli baboniwe ki batu kaufela, kuli balumeleze ze ezahala. Balumela mwa mufuta wa bulumiwa bobu cwana, foliso ya Bumulimu, ona Kolobezo ya Moya o Kenile, ni zeñwi cwalo. Bateni mo kutofa bupaki ka zona. Kibona bene bani memile kutaha kwanu, kuli mwendi bulumiwa bwa nifile Mulena bukone kutusa puteho yabona.

¹⁴ Cwale yani ki mulisana wa luli, yabata bunde kaufela kwa moya bobu konahala, bwa lika kaufela zeo Mulimu aeza, yanza lika ka mwa konela kuli atuse keleke ya hae kuli izamaye ka Mulimu. Na kamita na tubulanga kuwani yaka ku mukutazi ya cwalo.

¹⁵ Mi baana ba babile ni kueza cwalo ka tata, luli. Mwakona kulumela cwalo kuli ki niti. Nebabile ni kueza ka tata luli. Mi Na—Na kaniti ni itumezi ka baana ba batuna cwalo ba Mulimu, ki baba itakaleza kunga sibaka sa musebezi wabona kuya ka kusepahala kwa bona, ni—ni kulumela. Mulimu abafuyolange kamita!

¹⁶ Mi Na sepa kuli baka mi eza hande. Cwale, haiba mu baeñi mo, mufumane ko mizwale ba bana ni likeleke zabona, ko ba fumanaha. Mu bapotele kamuso. Baka ba ni lisebelezo ze ipitezi, mi kuna ni bakutazi kwanu baba ka ambola kwa likeleke ze shutana, mi sina haku ziba halisizwe. Kacwalo mube kubona kamuso.

¹⁷ Mi cwale kamuso musihali, haiba mutabela kutaha kwa kukwala kwa sebelezo, lukaba baba tabile kuba ni mina. Likeleke kaufela, likopano kaufela, ki za mutu kaufela. Mutu kaufela uamuhezwi; wa Methodist, wa Baptist, wa Presbyterian, wa Pentekota, wa church of Christ, wa church of God, wa Katolika, wa Orthodox Jew, yasa lumeli, seo uli sona kaufela. Luna lukaba . . . Mu memilwe.

“Mu li, ‘Yasa lumeli?’” Eeni, sha.

¹⁸ Haiba yasa lumeli uka kena mwa mukopano niku i kuteka ili yena, u amuhezwi sina mutu kaufela mwakona kubela. Kulukile. Sesiñwi, sani kona selu mu batela kwanu, kuli sesiñwi sikone ku ezahala sa ku mu tusa kuli abone mafosisa ahae, mi atahe ku Mulena. Kakuli luna . . . Kaniti.

¹⁹ Ki babakai ba bakile ba bala pono yenyinyani ya mutende yeo Baana ba Pisinisi ya Sikreste ba hatisize, mi Na lumela buñata nyana bwa miten- . . . , ya, *Kutalima Kwa Buse Bwa Museto Wa Nako?* Cwale yani ki niti, mulikani. Hamulukeli ku mbunja sani. Ni—Ni bile mutu ya shutana kuzwa nako yani. Na ziba kuli zani kiza luli, kacwalo Ni—Ni—Ni sepa kuli hakuna ni yomukana wamina yaka mbunja Lihalimu tuna lani leo Mulimu abulukezi balumeli. Haiba mu mbunja, ki sikamañi se mu ipumanezi fa lifasi mubu fa? Kakuli, hamuzibi kuli ki nako mañi yemu ka siya lifasi le. Kono mwa ziba taba iliñwi, mwa ziba kuli mukaba ni ku lisiya. Kacwalo haiba yani ki niti, kona kuli haluna kuba likuba ni kufita ka kulika kuba—kuba sina . . . Halukoni kulika kunga mufuta kaufela wa kolo. Mwabona, fela muhupule, mulumele Linzwi la Mulimu ni sepiso kaufela ye ku Lona.

²⁰ Munahane fela, sene sitisize butuku kaufela, butuku bwa pilu kaufela, lifu kaufela, matata kaufela, maswabi kaufela, mwana yomunyinyani yo ya luluhile, lika ze kaufela, liyanga, libofu, sipatela kaufela se si lukela kuyahiwa? Kikuli mutu alimuñwi na sika lumela siemba silisiñwi sa Linzwi. Yani neli Eva. Satani na li apesize ku yena. Isiñi ku tatulula, kono na li apesize ku yena, ali, “Luli . . . Mulena ki yo munde.”

²¹ Mu utwanga hahulu kacenu ka zakuli, Mulimu kakuba Mulimu yomunde. Yena ki Mulimu yomunde, kono muhupule Yena ki Mulimu ya kenile, ki Mulimu ya sakoni ku tuhelela sibi. Mulatu ulifilwe kale, mi mu lukela ku uamuhela ka mayemo a Hae. Mi muhupule, Yena ki Mulimu wa buhali, Mulimu ya lifufa. Mi mu kayo yema fapila Mulimu ya buhali, isiñi fela Mulimu wa bunde ni sishemo. Busihu bwa kacenu Ki Mupilisi wa mina; Zazi lani U kaba Muatuli wa mina.

²² Kacwalo mu bone kuli amusii sika sesika ezahala, mulikani. Hakuna—hakuna . . . Halina ku tusa. Musike—musike kukena kuzona ka sipundumukela. Mube ba baziba, muzibe handende, kakuli hamuna kufumana kolo yeñwi. Ye kiyona fela kolo yamina, ka nako hamu sali fa lifasi.

²³ Muhupule muuna wa mufumi ni Lazaro, nekuna ni mukoti omutuna mwahala hao ni Yena, o hakuna mutu yakile asila, kamba yakabe asila. Mwabona? Fani hamuka—hamuka shwa, ani kona mafelelezo. Na ziba batu ba ipapatanga kuli baka lapela kuli uzwe mwa libaka zecwalo, kono musike mwa li lumela. Zani za lwanisana ni Linzwi la Mulimu. Mwabona? “Kona ko ku sikamezi kota, kona ko iwela.” Mi Jesu naize,

Yena luli, kuli, “Nekuna ni mukoti, kuli, fani mutu hana ka shwa ni kuya kwa lihele, na sike akona (ni hanyinyani) ataha kwa Lihalimu. Hakuna mutu yakile a usila mi hakuna kuba niyomukana.” Ani neli mafelelezo, kuya kami Ni zibela. Fani Jesu hana ize kuli nekuli cwalo, ani kona mafelelezo ateni.

²⁴ Kacwalo muhupule fela, ye kona kolo ya hao, mi busihu bwa kacenu ikona kuba nako yamina ya maungulo.

²⁵ Kana mwa kona kuswala sesi sweli ku ezahala? Kambe nemuka kona fela ku si bona! Ni sepa ha muhupuli kaza kubulela cwalo, kuli Ni lika ku mi susueza kutalima ku mutu yomuñwi, kamba kulumela mutu yomuñwi. Ha ni ezi cwalo, mulikani. Ni lika ku mi tusa kuli mulumele Yena yaluli fa Pila hae cwale. Jesu Kreste, yena Mulimu yaswana yaka mi atula ka Zazi lani, uteni mo inza itibahaza Iliyena mwahala mina, ona lika luli za Na sepisize kuli Uka lieza ka mazazi a maungulo.

²⁶ Na sepa Muzwale Price, kakusasana cwana kwa mukushuko, nafile hande toloko ya kufita fa lilulu, mi ni ku sikuluhela fa lilulu. Kana ne muikozi sani? [Puteho ili, “Amen.”—Mu.] Luli nekubile cwalo. Yona neli, ye lukisizwe luli luli.

²⁷ Cwale, kacwalo muhupule, fokuñwi mwa lilulu, kono halu hupuleñi kuli luna ni kufita mwa malulu aa. Ne ni kutalize ka zona, nako yeñwi, mi na ibiza kuli, *Makauhanelo*. Lu fitile fa makauhanelo, hañata luli, luyanga ka nzila ye ni kufita ka linzila ze shutana.

²⁸ Cwale busihu bwa kacenu, ka mizuzu ye tatama ye likani, Ni bata kunga tuto yakuli—yakuli: *Linzwi La Sisupo*. Mi cwale taba yaluna ya kala, busihu bwa kacenu, mwa Buka ya Exoda, mi *exoda* italusa “ku shimbuluka; ku tuta.” Cwale mulike ku teezeza ka tokomelo kamo mukonela.

²⁹ Nika tabela ku kutaza kumina nako yeñwi, mu sikwata sesinde luli, kono ha Ni na linzwi. Ni itiisa fela kueza cwalo, mi Na ziba sesi kaba sona. Ni lukela ku pumula nyana cwale, mwendi ka mazazi a ketalizoho ka amalalu kamba a lishumi, Nisika kala kale mukopano otatama. Mwabona, kakuli haki mukopano fela ulimuñwi wo kwanu. Ki mukopano, zazi ni zazi, biki mwa mulaho wa biki, kweli mwa mulaho wa kweli, mwaha kasamulaho wa mwaha, mwabona, mi mwakona ku nahanisisa.

³⁰ Mi munahane ka linako kaufela, mwaha kasamulaho a mwaha, haku sikaba kale nako Ya kile a bulela sika kaufela kono ki sene si petehile, ona cwalo ka niti; mwa mushobo kaufela, mwahala lifasi kaufela, ha supile. Mwabona? Hakuna mutu, hakuna sibaka, koku kile kwa bulelwa kono ki sesi petehile, ona cwalo kamo kuinezi, nako kaufela. Fani Ha bulela sika sesiñwi kuli sika ezahala, sibile siezahala ona cwalo ka swanelo. Ku libulela ka lisunda ni lilimo, niteni, sisika ezahala kale, mi kamita kubanga ona cwalo ka swanelo. Hakuna nihaiba nako yekana fo likile za palaelwa, mi halina kupalaelwa ni hanyinyani,

kakuli yani ki Mulimu. Cwale, Na kona kupalelwa, kakuba mutu. Musike mwaba mu talima kuna kuba mutala, kakuli Na—Na ni swana fela sina mina, muezalibi fela ya pilisizwe ka muhau. Kono yani ki Mulimu, yena wa buipiteli, mwabona, inza iponahaza Iliyena. Ha lukeli kueza cwalo, kono Na sepisize kuli Uka li eza.

³¹ Jesu na folisize kakuli neli ku talelezwa kwa Linzwi. Na ezize lika zani kakuli neli kuli Linzwi la Mulimu li talelezwe.

³² Kona Za sweli ku ezeza cwalo kacenu, kuli Linzwi li talelezwe, zeo Ni mi tolokezi zona, busihu mwa mulaho wa busihu.

³³ Cwale mu lemuhange Pata ya Hae haili bukaufi, Yona, kaniti Ya tisanga maikuto. Sina hane Ni bulela kakusasana wo, “Sika kaufela sesi sina maikuto si shwile.” Mi bulapeli kaufela bo busina maikuto ku bona, ki hande mu bu pumbeke, bu shwile. I tisanga maikuto. Wa lu fanga mata. Kono halu filwe mata, halu hupuleñi Sesi lufile mata. Kisikamañi sesi ezize zani? Ki Pata ya Moya o Kenile, Jesu Kreste mwahala luna, inza iponahaza Iliyena kuli Wa pila. Isiñi mubili wa butu; fani nako yani, mubili wani wa butu hauta kuta kuzwa kwa Lihalimu, nako haisana kuba teni. Ani kona mafelelezo azona. Mi lwa ziba kuli lukeni, lupila mwa mazazi a mafelelezo, fo lika ze hali lukela ku ezahala.

Cwale, Mulimu ubile ni mishimbuluko ya exoda haisali. Kuna ni . . .

³⁴ Lika kaufela lizamaya mwa bulalu, ni Mulimu. Mulimu upetalilile mwa bulalu. Kutaha kwapili kwa Kreste, kuto *liulula* Munyaliwa wa Hae; kutaha kwa bubeli kwa Kreste, kuto *amuhela* Munyaliwa wa Hae; kutaha kwa bulalu kwa Kreste, *ni* Munyaliwa wa Hae, kuto busa mwa puso ya Mileniamu. Lika kaufela lizamaya mwa bulalu.

³⁵ Cwale, kubile kubanga, ku ka banga, ku shimbuluka ko kulalu. Iliñwi ya zona, Mulimu na batisize *mwa* areka, kwa ku shimbuluka, ku pahama fahalimwa lifasi. Nako ye ne tatami, Mulimu naba *zusize* mwa—mwa Egepita. Mi nako yene tatami, Mulimu wa ba *pahamisa*. Mwahali, kwande, mwahalimu! Ku shimbuluka ko ku tatama ki kuya mwa halimu. Lu libile iliñwi cwale, ili nako ya kuya mwa halimu.

³⁶ Taba yeswana ni bupilo bu eza lika ze swana. Lu tahanga *mwa* bupilo, lu *zwanga* mwa bupilo, lu *zuhela* kwa bupilo, ona cwalo fela taba ye swana. Kacwalo luna . . .

³⁷ Taba yaluna ikwaluhela busihu bo ka ku shimbuluka, mi Mulimu na libelela kunga naha ya Hae.

³⁸ Isilaele ki naha. Mulimu ha ambolangi ni Isilaele sina ya ambola ni mutu alimuñwi. Isilaele ki naha, kamita kona mwa ba talimelanga. Mi mwa mazazi a maungulo, kasamulaho wa—

wa kuya kwa keleke, kona fo Mulimu uka pilisa Isilaele kakuba naha. Seli mwa hae cwale, ba itukiselize zona. Mi ba ka piliswa, Biblele ibulezi kuli, “Naha ika pepwa zazi liliñwi.” Mulimu ha ambolangi ni Majuda sina ha ambola ni mutu alimuñwi. Yena utalimana ni bona kakuba naha, Isilaele, kamita, kakuli ki naha ya Hae.

³⁹ Fa Usweli kubata kutisa naha ya Hae kuzwa mwa naha, mwahala exoda ya ku shimbuluka, kutisa sicaba sa Hae kuzwa mwa katulo.

⁴⁰ Mi ona mezi aswana ana tabisize lifasi, napiliseze Nuwe. Mwabona? Mi ona Moya o Kenile oswana, ona oba hana batu kacenu, kona oka amuhela Keleke ni ku I nanula mwahalimu, ni kutisa katulo ka kusa U lumela. Jesu kimwa na bulelezi.

⁴¹ Fani hane ba Mu bizize kuli, “Balezebubi,” mwa manzwi amañwi, “Nali munuhi.” Bona . . .

⁴² Na ize, “Nika mi swalela ka seo,” Mwana Mutu. Sitabelo ne si sika pangiwa. “Kono cwale Moya o Kenile hauka taha kutoeza lika ze swana, linzwi lililiñwi ku U lwanisa halina ku swalelwa mwa lifasi le kamba mwa lifasi le litaha.” Una ni ku haniwa, mi kipeto katulo yataha kasumulaho wa fo. Mwabona, butata kikuli lwa . . .

⁴³ Si nibeya mwa muhupulo wa likande leliñwi lenikile na bala nako yeñwi, ka muyambi wa kale yana zwa mwa nuka, ni muñoli wa—wa Sikuwa yomunyinyani ya naya kwa liwate. Mi kacwalo muñoli hahulu ka za nuka, kono na sikabe a ibona, kacwalo nali mwa musipili wa hae inza shetumuka. Mi muuna muhulu ali ku yena, ana ni mupaipi wa hae mwa mulomo, ali, “Kana uya kai, muuna waka yomunde?”

⁴⁴ Yena ali, “Ni ya kwa nuka kwani.” Yena ali, “Nali kuba ni ibone. Ni ñozi ka zona, ni zeo babañwi ba bulezi, kono,” ali, “oh, Ni tabile hahulu kuli Ni sutelezi kwa nuka.” Ki hali, “Oh, ka ku nunkelela kazwai ka yona! Ku bona situwa sesituna sa yona, sesi sweu sesi bonahalela fa halimu, ni lihalimu la mubala wa ndilu linze li iponahaza lona liñi, ni kuutwa macikwi hanza fufa fahalimu, oh, Ni tabile ka muhupulo wa ku ibona!”

⁴⁵ Muuna muhulu ali, “Ne ni pepezwi kwateni, lilimo ze mashumi asilezi ze fitile, Na hakuna ze ni bona ka yona.” Mwabona, na boni hahulu buñata bwa yona kufitela liba za sitwaelelo.

⁴⁶ Cwale bwani kona butata bobuli ni keleke ya ma Pentekota kacenu. Iboni hahulu zeñata za Mulimu, kufitela Mulimu seli fela wa sitwaelelo. Musike mwabe mueza zani!

⁴⁷ Kwanu haki kale hahulu, mwa Louisville, Kentucky. Ko Ni zwelela, Jeffersonville, Indiana, ki kusila nuka kuzwa kwani. Kalibe na kena mwa sintolo sa masenti alishumi. Mi yena (nanani) mushimani yomunyinyani kwa lizoho la hae, mi nasweli

kuya kwa pata inza sweli ku filikana. Kiha sa shimba sika, ku si bonisa mushimani yomunyinyani; yena nainzi fela inza ndwandikile. Kiha ya kwa pata kone kulekisezwa kokuñwi, ni kunga sesiñwi ku si bonisa mushimani yomunyinyani; yena nasweli fela ku talima. Mi kasamulaho wa nako, kiha nanula mulangu nyana ni kukala kuliza, mi mushimani yomunyinyani alubukela fela. Mi yena akala kuhuwa, ni ku zukuza mazoho ahae. Mi batu mwa sintolo sa masenti alishumi neba mu talimezi, kacwalo baya kuyena ku yo bona ze nekatalize.

⁴⁸ Yena ali, “Ni . . . Mushimani waka yomunyinyani,” ali, “una ni lilimo zetalu fela za kupepwa.” Mi ali, “Na . . . Ka nako yeñwi, mwendi ki mwaha ofelile, nainzi kipeto inza lubukela mwa mbyumbyulu.” Mi ali, “Ne—Ne ni muisize ku mualafi,” mi ali, “mi mualafi añola kalafo yeñwi ni lika.” Mi ali, “Mi mualafi ani bulelela, kacenu, kuli nahupula kuli mwendi nali hande. Kono,” ali, “yo haikutwi hande.” Ali, “Ni nyanganyisize lika kaufela fapila hae, zene lukela kuhoha ngana ya mushimani yo ka siyemo sa hae, ali kotalima. Lika kaufela zekona ku yaulula mwana yomunyinyani wa siyemo sa hae, Ni li nyanganyisize fapila hae, kono yena uina fela ali kotalima mwa mbyumbyulu.” Ali, “Yena ha bi hande.”

⁴⁹ Sani siswana sina keleke ya Pentekota. Mulimu unyanganyisize mpo kaufela, mwa Bibebe, fapila bona, mi bona basa ina ni ku lubukela mwa mbyumbyulu, mane inge kuli kuna ni sesi fosahalile. Se li nako ya kuli luzuhe, balikani, kusika likela kale. Muhupule, Mulimu ha nyanganyisangi limpo zani konji haiba U lika kuhoha mihupulo ya mina.

Mulimu nasweli kutisa naha kuzwa mwa naha.

⁵⁰ Ona cwalo Mwa sweli ku ezeza cwale, uya kwa kunga Munyaliwa ku muzusa mwa keleke, kusiya baba siyezi ba peu ya musali. Ba baketilwe ba ka zuswa mwa keleke. Keleke ya butu ika siala fa kufita mwahala nyandiso. Bani *ba baketilwe* fokuñwi ba bizwa “ba baketilwe, baketwa, bo masialeli.”

⁵¹ Halu boneñi mwa Na ezelize kwani, kakuli Yena hacincangi nzila ya Hae mwa ku ezeza lika. Mulimu una ni nzila iliñwi mwa ku ezeza lika, mi yani kona nzila Mwa ezezanga, mi yani kona nzila ye lukile, kamita. Kubona mwa Na ezelize, ni mukwa wa Na ezelize kaona, mi kona lukona kuba ni kubona zateni.

⁵² Cwale, Na ni mutu ya swanisisa, kaniti. Na hanina tuto. Ni likela kotalima kwa mulaho ni kubona sa Na ezize. Mi lu lutilwe cwalo, “Testamente ya Kale neli muluti wa lika zene sa taha.” Kacwalo haiba Ne nika talima kwanu mi ni sikabe nibona lizoho laka, mi Ni boni muluti wa muluti wa lizoho laka, mi Ni nani minwana ye ketalizoho, Ne ni kaba ni muhupulo o munde fani lizoho laka hane lika fita kwani, Ne ni kaba ni minwana ye ketalizoho. Kacwalo sene si ezahalile ku bona neli mitala ya mo Mulimu aezeza lika, ona Mwa ezeza ka cwale.

53 Mi nzila Ya eza ka yona, Yena hacincangi kuzwa ku zani. Nako kaufela, kuya ka Bibele, Yena Ha cincangi nzila ya kueza lika ka yona. Ka ku zwelapili kwa swana, kakuli nzila ya Hae ya pili haeza sika kona ye petehile. Kakuli, Hakoni kuba ni nzila yeñwi hape, kakuli U petehile, mi, Yena, linzila za Hae kaufela li petehile. Mutalime mwa Na ezelize.

54 Mushe na bizizwe ni kulemuhiwa kuli ange musebezi wo wa nali ona, nabile ni—nabile ni kunga. Mulimu. . .

55 Cwale, Na sepa, haiba muka ni swalela. . . Hani buleli se ka buhali. Na fela ni bulela, fa katala fa, Na—Na hakuna seni ziba mi hanibati kuziba sika sesiñwi kwanda Mulimu. Cwale, Na sepa fani kona koku lyanganehezi Pula yaluna yamwa Mulaho bana bahesu, mwabona, ba kambekana mazoho ku yomuñwi ni yomuñwi ni kuba eza bapolofita ni babañwi cwalo. Cwale, zani haki za Mañolo. “Limpo ni lipizo halitokwi ku libakela.” Upepwa ka so li sona. U cwalo, kwa simuluhu, sona soli sona.

56 Mutalime Bafalisi bani mwa mazazi afelile. Neba na ni fela liseli leli nyinyani, kakuli neba kona. . . neba na ni mulao, mi neba pila ka mulao, kono kwa mulaho kwani mwa lipilu zabona neli zensu kamo ne likona kubela.

57 Mi nekuna ni musali yomunyinyani, wa lihule, bupilo bwa. . . bwa-*sapili* kwanu neli bo bunsu kamo nebu kona kubela, nana ni kakubo kaka maswe, kono mwahala pilu ya hae na lelezwi kwa Bupilo.

58 Mi cwale fani Jesu, lona Linzwi, hana tilo iponahaza, Bafalisi bani neba ize, “Muuna yo ki Balezebubi.” Kisikamañi sene si ezahalile? Ne si unsufalisize liseli nyana le ne banani.

59 Jesu naize, “Mina mu ba ndata mina, yena diabulosi, mi misebezi ya hae mwa ipaka.”

60 Kono cwale musali yomunyinyani, yo hana tilo taha, mi na boni Linzwi la Mulimu, na Li zibile. Na si ka Li siya, kono yena na Li zibile. Mi ka nako yene Li to bulela ku yena, ki hali, “Na bona kuli U Mupolofita.” Mi Yena. . . Musali ali, “Ni ziba kuli Mesia kiyena yaka eza ze.”

Mi Yena ali, “Kina Yena.”

61 Ne si ezize sikamañi? Ne si kenisize bunsu kaufela ni ku bu panga kuba busweu. Kiñi? Nekuna ni peu yeneli mwani, peu yene leliuwe yeneli mwa. . . Neli muhupulo wa Mulimu kusikaba kale mutomo wa lifasi.

62 Kuna ni fela mufuta ulimuñwi wa Bupilo Bobusafeli. Haiba muna ni Bupilo Bobusafeli, kona kuli wena kasibili noli mwa muhupulo wa Mulimu kusika bupiya kale lifasi. U ponahazo ya munahano wa Hae, kakuli Kuyakuile neku sika kala kamba hakuna kufela. Mina mu siemba sa bufumu bwa Mulimu, kamita. Ki ku bonahala fela. Se liba za cwale. Basa na ni siswaniso silisiñwi seba lukela ku zusa, lani ki lifu, kona kuli sa muluti

sikaba sa sibupeho, fohé kipeto mukeni ku Munyaliwa mi niku Kreste, sina ha Na hupuzi. Sina muuna ni musali babanyalani, kacenu, kacwalo (Mulimu) Kreste ni Keleke likaba ze swana. Cwale, ba baketilwe, baba bizizwe!

Mushe na pepilwe, “ali mwana yomunde.” Bibeles ibulezi sani.

⁶³ Alimuñwi wa bapolofita, Jeremia. Mulimu naize, “Mane usika bupiwa mwa mba yabo maho, Ni ku ketile kuba mupolofita kwa macaba.”

⁶⁴ Joani Mukolobezi, kiñi, na pakiwa mwa Mañolo. Isaya, myaha ye mianda yeketalizoho kaye mibeli niye lishumi kaye mibeli kusikaba kale kutaha kwa hae, naize, “Ki linzwi la ya huweleza mwa lihalaupa, ‘Mu lukise nzila ya Mulena!’” Mi ka myaha ye mianda yemine kusikaba kale ku bonahala kwa hae, hape lu fumana, Malaki naize, “Amubone Ni luma numwana wa Ka fapila pata Yaka, kuli alukise nzila fapila Mulena.”

⁶⁵ Mwabona, nali yazibilwe kale. Mi kacwalo kona mo ne kubezi liofisi zani kaufela za Mulimu, haiba ba bizizwe ki Mulimu.

⁶⁶ Haiba ba ituta ka zona, ki siyemo sa kwa tasi hahulu fela, mwabona, haikoni kuba sisili. Haiba ki tikiti ya sico, kona kuli mu lekisa litukelo za kupepwa kwa mina bakeñisa tikiti ya sico, muka keshebisa kuya ni katengo kamba sikwata sesiñwi. Kono haiba kiza Mulimu, muka yema ka Linzwi lani, hakuna taba, kakuli ne mu pepilwe ku yema ka lona.

⁶⁷ Mushe, nekusina usili yana kona kunga sibaka sa hae. Nekusina usili yana kona kueza musebezi. Na tomilwe kuli aueze.

⁶⁸ Mi, bana bahesu, kezeli, haiba muna ni Bupilo Bobusafeli, ne mu tomilwe kuli mueze sika sesiñwi. Mwendi musali yomunde yanyezwi, mwendi ki sesiñwi fela, kono hakuna yakona kunga sibaka sa hao. Mulimu umipangezi sibaka. Musike mwa lika kunga sibaka sa mutu yomuñwi. Ani ki malikanyiso a butu, mwabona, kubonisa kuli kuna ni sesi fosahalile ni wena. Ube so li sona, ona cwalo fela. Musike mwaba sika sisili sili.

⁶⁹ Cwale, cwale lufumana cwana kuli Mulimu nafile Mushe lisupo za kupaka likupo ni lipizo.

⁷⁰ Mi sisupo sa niti kaufela, sisupo sa niti kaufela, sesi lumilwe kuzwa ku Mulimu, kuba . . . sina ni linzwi mwa mulaho wa sona. Mi hali palelwangi. Ye ki tuto yaka ku se, mwabona. Sisupo sa niti kaufela . . . Cwale luna ni lisupo ze sa zwi ku Mulimu; Satani wakona ku likanyisa buñata bwa ze liteni. Kono sisupo sa niti, sesi lumilwe kuzwa ku Mulimu, sina ni linzwi la Mulimu mwa mulaho wa sona.

⁷¹ Mulimu naize ku Mushe, “Haiba habana kulumela linzwi la sisupo sapili, konakuli uka eza sisupo sesiñwi se fapila bona. Mi

he haba sike ba utwa sani, uke fela mezi mi uasululele fafasi.” Mi sani neli sisupo sakuli nebaka tiba mwahala mali abona tota.

⁷² Mulemuhe, mi sina fela mwa Na bulelezi, “Mu tutule maluli kwa mautu amina. Kuka swalelwa kuba Sodoma ni Gomora, zazi lani, kufita mo ku kabela kuba munzi oka mi hana.”

⁷³ Cwale halu bapalisa Keleke. Ye *ki* Keleke. Kreste kiyena Keleke. Luna lu ku Kreste. Mubili wa kunutu wa Kreste, lu pepwa ku Ona. Hamukoni kuikopanya ku Ona.

⁷⁴ Nibile niba lubasi lwa Branham ka myaha ye mashumi aketalizoho kaye ketalizoho cwalo, mi bali kuba bani kupe kuli ni i kopanye mwa lubasi lwa bona. Ne ni pepilwe nili Branham.

⁷⁵ Mi yani kona nzila hamuli Bakreste. Mu pepilwe muli Bakreste, isiñi kuikopanya kwateni. Mu pepilwe mwateni. Mutu ni mutu wasaba kupepwa. Bana ni mukwa omuñwi o kenile wa kuswala lizoho, kamba ku nyatela kadi yenyinyani, kamba tumezi totu kopani ni kazwai mwateni. Kwani hakona kupepwa. Kupepwa ki nto ye nyenyisa. Kupepwa ki—ki nto ye maswe. Hanina taba kamba ki mwa lipepelo la likulube, kamba mwa—mwa sicelo sa mwa sishete, kamba mwa sibaka sa sipatela sesi kabisizwe ka mubala wa pinki; kupepa ki busafa, mi ku mutiseza kuzusa busafa ku mina. Hamu tabeli ku tuhela, hamu tabeli *se, sani*, kamba *sesiñwi*, kono mioko ika tapisa mipende yeli kwa pata ya hao ni kuku eza mutu ya shutana. Haiba mupepilwe sinca, kuka mi zusa busafa ku mina, kono muka fetuha sibupwiwa sesinca. Mwabona? Haba lati sani. Babata nzila yeñwi ye bunolo, mwa ziba, mi hakuna linzila ze bunolo. Sina mwa pina, na ize, “Ni kanga nzila yeya ni baba kendilwe babanyinyani ba Mulena.” Ha tabeli kuba sibaka sa likezahalo.

Sisupo sa niti kaufela sa Mulimu si latelelwanga ki Linzwi la Mulimu.

⁷⁶ Cwale haiba mutu ufa sisupo mwa naha, kamba nako kaufela, mi linzwi lani la bulela mwa mulaho lelisi Linzwi la Mulimu, kipeto fohe muli tokomele, musike mwa li lumela. Haiba sikolo sesiñwi sa kale, haiba mutu utaha kuto bulela kuli, u bonisa sisupo se sizwa ku Mulimu, mi he tuto ya mutu ki yeswana ni litaelo za litumelo za bumulimu ze mubile ni zona mwa lilimo ze kaufela, Mulimu asika luma sisupo sani. Mutalime kwa mulaho mwa Mañolo mi mubone haiba nekuli cwalo. Mubale Mañolo. Muna yani ha kuta, mi ali, “Cwale luna kaufela lubata kuikopanya *kuse*. Ibile kutwano ye zibahalisizwe kale.” Musike mwa lumela sani. Luka kena ku zona, mwa mizuzu fela ye likani, mwabona. Batili, musike mwa lumela zani.

⁷⁷ Mulimu kamita wa bonahazanga lisupo za Hae. Sisupo se sizwa ku Mulimu kamita si bulelanga Linzwi la Mulimu.

⁷⁸ Mi haiba ki sikolo sa kale sesiswana se mubile ni sona, kiñi ha Na kafa sisupo, muinzi kale ku sona? Yena ulika ku mi isa fa lilulu lani. Sisupo sa kuyema! Kuzamaya ka bunya! Mutalime

ko muya! Muka icuncula fa lilulu haiba ha mu tokomeli. Kuna ni kulomona koku maswe, mi kamita kuna ni sisupo kwani musika lomona kale fo ku maswe fani, ku mibuluka kwa ku holofala. Bapangi babande ba mikwakwa ba beyanga lisupo. Mi lu zamaya nzila yeya kwa Kanya. Mi haiba sisupo sibulela taba yeswana ya kale, hasi sika zwa ku Mulimu.

⁷⁹ Mulimu ufanga lisupo zakuli ahohe ngana ya sicaba sa Hae. Lisupo kiza ku hohela ngana ya sicaba sa Mulimu, lisupo za Mulimu licwalo. Lisupo za Mulimu lifilwe kwa kuhoha ngana ya sicaba sa Mulimu.

⁸⁰ Cwale fa sicacani sesi tuka mulilo neli sisupo sa kuhoha mupolofita, kulika, kakuli mupolofita na matile kuzwa ku Mulimu, mi Mulimu nafile sicacani sesi tuka kuba sisupo. Mi kiha bona sisupo sa buipiteli se; ki hali, “Ni ka sikuluha kuli nibone sisupo sa buipiteli se, kuli ki—ki sicacani sesi tuka mi a si ci.” Cwale Mulimu nasweli kuhoha ngana ya mupolofita wa Hae yana matile. Na ka ba ni yomuñwi, kono ha na ketile Mushe kwa musebezi mi hayo usili yana kangana sibaka sa hae.

⁸¹ Mwa musipili, batu babañwi neba likile kueza cwalo, mwa ziba. Datani natile mi abata kuzusa katengo kuzwa mwateni. Mulimu abulelela Mushe, “Tokolomoha kwateni. Ni ka a miza fela.” Mwabona?

⁸² Mulimu utalimanga ni mutu ka buyena anosi. Mwabona? Cwale mulemuhe se, Na lika kuhoha ngana ya mupolofita, kuli abeye mupolofita mwa sibaka sa hae sesi swanela, mwabona, mi Na file sisupo sa sicacani se si tuka mulilo.

⁸³ Mi, mutalime, Linzwi lene li latelezi sisupo neli Linzwi la Mañolo. “Ni utwile sililo sa sicaba sa Ka, ni kutonga kwa sona, kaba keñisa ba zamaisi ba sona, mi Ni hupuzi sepiso ya Ka.” Amen. Ani kona mafelelezo. “Ni hupuzi sepiso.” Lani neli Linzwi la Mañolo. “Mi Na kuluma kuli uye kwateni. Ni tile ku to ba lukulula, mi Na kuluma wena.”

⁸⁴ Muhupule, Mulimu hakuna sa ezanga kusina mutu. Mwa ziba cwalo? Sani kona sesi sitatalisa batu. Mwabona?

⁸⁵ Sani kona sene si ba sitatalisize ka Jesu. Neba ize, “Wena u Mutu, uikeza kuba Mulimu.” Yena nali Mulimu, kono neba palelwa ku utwisisa. “Kulukile, Wena, kakuba fela Mutu.”

⁸⁶ Ki hali, “Kulukile, mubiza bapolofita kuli, ‘balimu,’ mi mulao wa mina u lumela cwalo. Mi haiba muba biza kuli ‘balimu,’ be Linzwi la Mulimu lithahile ku bona, kana muka Ni nyaza cwani ha Ni bulela kuli Ni Mwana Mulimu?”

⁸⁷ Mwabona, lisupo, kiza kuhoha ngana kazona. Mi, muhupule, haiba ngana ihohiwa mi iba ona mufuta wa kale oswana, ha ki Mulimu.

⁸⁸ Kono Mulimu ulika ku hoha mupolofita cwale, mi U mufa sisupo, mi Linzwi lene li latelezi sisupo neli Linzwi la Mañolo.

“Ni boni sicaba. Ni utwile kulila kwa bona. Ni hupuzi sepiso ya Ka.”

⁸⁹ Cwale Mulimu uka bulela ka Linzwi la sepiso ya Hae. Ulukela ku luma mupolofita wa Hae, kakuli Linzwi lithanga ku mupolofita. Bibebe ibulezi, Mulimu naize, Yena luli, kuli, “Hakuna sa ezanga konji pili A li patulule kwa batanga ba Hae bona bapolofita.” Mwabona? Mi he, sisupo si filwe, ni Mañolo a zibahalisizwe, lani kona Linzwi la sisupo.

⁹⁰ Mubone Linzwi la sisupo, la Mushe? Pili, sisupo neli sicacani se si tuka; Linzwi neli Liñolo.

⁹¹ Mushe anga sani kuli ki sisupo sa Hae, mi aya kwa Egepita ni kueza sisupo sa na mu bulelezi Mulimu; mi sisupo ne si na ni Linzwi, mi sicaba kiha si lumela mi mane sa lukuluha. Mi ibile fela neba zwile, neba ezize hande; kono hane ba kalile ku tongoka bakeñisa Linzwi, ki ha ba yema.

⁹² Muhupule, Isilaele na zamaile. Kana mwa ziba buhule bwa kone bazwa? Neba ka be. . . Neli fela limaele ze mashumi amane, mi kiha kutanda lilimo ze mashumi amane cwalo. Kiñi? Kakuli neba kalile ku bilaela kabakala Linzwi lene li tisize sisupo. Mane neba sa zibi, fani hane ba huwa kwani kwa likamba, ni kubina mwa Moya, mi Mushe na opelela mwa Moya, nebali fela mazazi alikani kihona. Kono kiha bakala ku bilaela, ni kubata kueza sesiñwi sesi shutana; mi kiha baina lilimo ze mashumi amane mwa lihalaupa, mi ba shwela ku lona, yani ki niti, kakuli neba sika lumela. Mulimu naize, “Ha ba buleli bumaswe ka wena, Mushe. Ba bulela bumaswe ka Na.” Lani neli Linzwi la Mulimu, isi la Mushe.

⁹³ Cwale mutalime, Jehova uka bulela ka Linzwi la Hae la sepiso, kacwalo U lukela kuluma bapolofita ba Hae. Kuli, haiba mubata ku bona seo, sani si mwa Genese 15:16. Lu fumana kuli Mulimu na bulelezi Abrahama kuli, “Peu ya hao ika zamaya mwa naha ya kwahule, mi Ni ka ba lukulula ka lizoho leli mata. Bumase bwa ma Amori habusika talelezwa kale.” Lisepiso za Hae kaufela za Na file, fa U hoha mupolofita, ka sicacani sesi tuka.

⁹⁴ Cwale kambe sicacani se si tuka ne si kali, “Mushe, Mulimu ki Mulimu.”

“Eeh, Na lumela cwalo.”

⁹⁵ “Oh, ueza hande, Mushe, zwela fela pili. U nyezi musali yomunde; yena ki mwana yomunde. Luli una ni mwana mushimani yomunde! Kanya ku Mulimu!” Sani ki sikolo sesiswana sa kale. Mwabona?

⁹⁶ Kono Na itukisize kueza nto yeñwi, kacwalo Na na ni kuhoha muuna yani. Mi Afa muuna yani lisupo zepeli za kueza, mi ali, “Sisupo ni sisupo ne sina ni Linzwi.” Sani si paka kuli

kucwalo. Cwale mutalime seo Manzwi ani nasi bulezi, nahaiba pupo. Jehova nali bukaufi ni kubulela cwale.

⁹⁷ Hape, kutaha kwa mupolofita ki sisupo. Kana mwa ziba cwalo? Kutaha kwa mupolofita, kwa lusika, ki sisupo.

⁹⁸ Cwale, Ha ni talusi Caziba waza Bumulumu. Ha ni talusi mulisana yomuñwi ya likute, mutu yomuñwi yomunde. Bani kiba bande. Bani ki batanga ba Mulimu.

⁹⁹ Kono mupolofita ki sisupo. Bibebe ibulela cwalo fa. Mi sisupo ki sikamañi? Ki sisupo sakuli Linzwi la Hae li libelezi ku talelezwa, li talelezwe ka Linzwi la sisupo sa mupolofita yoo.

¹⁰⁰ Mulemuhe, kutaha kwa mupolofita ki sisupo sa temuso ya katulo kuli ifa kaufi. Kana mwa ziba cwalo? Katulo iseli bukaufi nikufita haiba kuna ni mupolofita mwa naha.

¹⁰¹ Muhupule, yena kaniti luli, pili, ulukela ku pakiwa ki Mulimu ni Linzwi la hola yateñi, mi kipeto ueza sisupo. Mi kihona mutokomele sisupo seo, saka bulela. Na ize, “Haiba sito ezahala, kipeto mumu utwe.” Numere 12:6. “Haiba hasi ezahali, mu itobohe.” Silukela kuba sisupo sa Mañolo seo A fanga.

¹⁰² Mi seo A fanga ka sisupo, nako yeñwi, haiba Yena kiya swana maabani, kacenu, ni kuyakuile, Uka zwelapili ku lifa ka kuswana. “Linzwi la Mulena nelitile kwa bapolofita.” Nebali Linzwi. Mi cwale Jesu hana tile, Nali yena Linzwi. Mi Linzwi neli lemuha milelo ni maikuto a mwa pilu, kamita, ka ku zwelapili cwalo. Cwale amubone.

¹⁰³ Kutaha kwa mupolofita yo, kufa sisupo, sakuli, “katulo ifa kaufi,” kamita.

¹⁰⁴ Halu yemeni fela ka mizuzu ye likani. Hanina kunga nako yetelele. Halu tatubeñi ze likani cwale, mwendi ka mizuzu ye lishumi. Mi ze siyezi za liñusa, nitaluse cwalo, ka mizuzu ye lishumi.

¹⁰⁵ Nuwe, mupolofita mwa—mwa naha, sisupo sa katulo yene taha. Mushe, mupolofita mwa naha, sisupo sa katulo yene taha. Elia, mupolofita mwa naha, sisupo sa katulo yene taha. Joani, mupolofita mwa naha, sisupo sa katulo yene taha kwa Isilaele; neba se ba felezwi.

¹⁰⁶ Mulemuhe, sisupo! Sisupo si ezanga sikamañi? Sisupo ki sa kuhoha ngana, ni ku beya baketwa kuli ba itukise, mi bazwe mwa nzila katulo isika fita kale. Sani kona sana ezize Nuwe, na ngile baketwa kuba lukisa. Bene ba siyezi babañwi, mi si ezanga sikamañi? Ki sisupo, ni Linzwi la sisupo, li nyazanga ya sa lumeli ni ku mu bakanyeza katulo. Li lukisanga baketwa kuli ba picuke. Sani kona seo sisupo sili sona. Sani kona seo lisupo lifelwanga, kwa katulo ye taha. Kuba babaketilwe, ba si bonanga.

¹⁰⁷ Sina musali yomunyinyani ni pilu ye lukile, ni mubili o silafezi; ni Mufalisi ni mubili o lukile, kono ni pilu ye silafezi. Ne si nyazize alimuñwi, ni kupilisa yomuñwi.

108 Mi ona likatulo ze ne pilisize Mushe, neli nyazize lifasi; kukutaza kwa hae.

109 Si lukisanga baketwa. Baketwa ba itukisezanga sikamañi? Fani ha ba bona sisupo sesi lumilwe ki Mulimu, ba talima mwa Mañolo ni kubona haiba sani sa lukela kuba fani. “Eeh, kise fa.” Kisikamañi sani? Katulo ye libelezi. Konakuli baketwa ba teezeza kwa Linzwi.

110 Kono baba si ka ketwa ba itoboha, mi bali, “Bukuba. Ba zwela pili! Lukanga sikolo sakale sesi swana.” Mwabona? Yani kona nzila yene ba ezize mwa mazazi a Luther. Cwalo kona mone ba ezelize mwa mazazi a Wesley. Cwalo kona mose—mose ba ezeza cwale, nzila yeba bile ba eza kayona.

111 Kono ki sisupo, mi sina ni Linzwi leli latelela sisupo. Mi Linzwi li lemuhuwa kuba Linzwi la Mañolo. Cwale musike mwa libala sani. Cwale mubuluke seo inge si zwelapili kukena, kakuli mwendi Hanisa mibona hape.

112 Ni sepa kambe Ni na ni nzila yene Ni ka taha kwanu kokuñwi ni kuminga kaufela mina bana bahesu, fani hane basina li ncafazo zene ezahala, kubapula fela tende ni kuina, zazi ni zani, ni kuluta kufitela—kufitela hane likena hande luli. Kono Na sika lumeleza sani, Hani hupuli cwalo. Mwabona, lu sutelezi hahulu fa kaufi ni maungulo. Na lumela seluli cwale kwa maungulo onafa cwale.

113 Mwa buka yaka mwahali kwani, ze Ni bulukanga ka kuñola. Mwa 1933, kakusasa omuñwi, neni itukiseza kuya kwa sikolo sala Sunda, sikolo sala Sunda sa ba Baptist ko ne Nili mulisana, Moya o Kenile wataha fafasi mi wa to ni bonisa kuisa kwa nako ya mafelelezo, ni kuto ni bonisa lika ze supa zene ka ezahala. Kihani ni li ñola. Lifa pampili ye ñandatalukeke ya kale.

114 Ani bulelela ona cwalo mo Germany naka yahela Limota la Silelezo, ni kamo ba America nebaka koma ka natela ka butuna fateni, lilimo ze lishumi ka silisiñwi kusika—kusika ba nihaiba kuyahiwa kwa limota.

115 Abulela kamo Mussolini na ka zuha, ni mwa nakayela kwa Ethiopia, ni kamo Ethiopia neika “wela kwa mautu a hae.” Mi na ka shwa ka ku swabisa, ku fetuha kafulatondo, nikuli batu ba hae tota nebaka mukwela mati.

116 Mi Na li, “Kuna ni mifuta yemilalu ya litumelo; Swalisano, Kapelezo, ni Tomahanyo. Kaufela bona neba ka felela kuzwa mwa Russia, kukena mwa Swalisano.” Mi ne sika sinya Bukatolika. Mubone haiba hasi ezahali!

117 Se nili, “Zwelopili yecwalo ika ezahala!” Se nili, “Ni bona limota sina lii, linze lizamaya mwa mikwakwa. Kuna ni limota zeya li kambama mikwakwa, ni zeñwi ze zamaisa, haba lukeli kuli koboca. Ne ni boni lubasi lwa si America lolu bapala makazi mwa mota.” Bana ni yona mota onafa, kambe neba kaba fela

ni linzila fa ku i zamaiseza. Yenyinyani ya Volkswagen ki lii leli kwanile, onacwalo fela, mi kimo libezi ni limota zeñwi. Mu nahane, mwa 1933, limota mone li bonahalela, kuza cwale?

¹¹⁸ Mi hape Sa bonisa hape, kaza, ku lumeleza musali ku bota, ni sa na ka eza. Ni kamo naha ye, kakuba mufuta, sina Isilaele, mone itezi mwa naha ni kuto leleka baba yahile kuyona, mi kiha ba yola naha. Mi malena bapili babanyinyani bone ba nani, Davida ni Solomoni, nebali malena bene ba saba Mulimu. Hasamulaho nyana, batoba ni Akabe. Kiha ba mu botela. Ona sipula sika...keleke ya to kena mwa lifasi. Mi, lubile ni bo Lincoln ni bo Washington, mutalime seo ili sona kacenu. Mutalime ko se luya cwale. Taba ye tatama ikai? Lu kwa maungulo a nako.

¹¹⁹ Mi ki sisupo, mwa lika za butu, ona cwalo fela. Li lukisa baketwa; ni kunyaza, kuisa katulo, yasa lumeli.

¹²⁰ “Haiba mupolofita yo ki mupolofita wa niti, mi sa bulela sa ezahala,” Bibelee iize, mwa Numere 12:6, “muutwe temuso ya hae, kakuli ku pakilwe kuli haki mutu.” Mu—mu polofita ki mutu. Kono Linzwi lelizwa kwa sisupo sa buipiteli ki Linzwi la Mañolo, ki pakilwe, kutuhafo iba mamela.

¹²¹ Bibelee nei ñozwi ki bapolofita, muhupule. Ku Pitrosi wa Bubeli, ni mona, 1:21. Mwa Maheberu 1:1, hape.

¹²² Siita sa Mulilo, ku Mushe, neli sisupo, Linzwi neli ka bulela. Siita sa Mulilo ne si bonahalisize kuli Linzwi ne linani kubulela. Sani ki sisupo, Siita sa Mulilo. Mina sicaba mulukela ku hupula sani kuzwa kwa Houston, haki kale hahulu.

¹²³ Mushe, mupolofita, sisupo kwa Isilaele, sakuli sepiso neli bukaufi ni ku talelezwa. Fani Mushe hanatile ni kuto eza sisupo sa mupolofita, neba zibile ona fani kuli naka ba kopanya hamoho.

¹²⁴ Kamo lipetahezi Linzwi la Mulimu mwa swanelo, nako kaufela ki le liswana. Mane sina hane Ni bulezi maabani busihu, kamo Urimu Tumimu, ni lika kaufela, ibile i alaba kamita ku Mulimu.

¹²⁵ Halungeni mupolofita hape, fa nako fela, Jonasi. Ne ni balile kauhanyo ya 1 ya Jonasi yene ñozwi fa, kauhanyo ya 1 fa ya bupolofita bwa hae. Jonasi azwa mwa mba ya tapi, neli sisupo. Mwabona, sicaba nesili sa buhedeni. Neba lapela milimu yamwa nuka, mi mulimu wa bona wa mwa nuka neli tapi.

¹²⁶ Cwale batu babañata balika ku nyazanga Jonasi. Na kamita ni likanyisize Jonasi. Jonasi nasika zwa mwa tato ya Mulena. “Mizamao ya mutu ya lukile i zamaiswa ki Mulena.” Lu lata ku bulela kuli, “Yena ki Jonasi.” Kono halungeni fela ka mo...ka mo ku swaneleha, ka nako ilinwi. Na ziba na lukela kuya kwa Nenive, kono Mulimu na tuhezi kuli ange sisepe sene siya kwa Tareshishi. Mi Aba ni butata mwa kuzwela mwa nuka.

127 Jonasi ali, “Amutame mazoho aka ni mautu. Kina yana ni butata, yena yana litisa.” Mi kiha ba mu yumbela kwande. Mi tapi nei tapela mwa mezi, yona tapi tuna yene mizize Jonasi. Na ziba sani si tata kuli sayansi i lumele.

128 Kwanu haki kale hahulu, mwa Louisville, Kentucky, mwendi ka lilimo ze lishumi kwa mulaho, neba na ni—ni tapi tuna yene ba llobalize fa—fa ngolobani ya mota. Mi nekuna ni Ricky yomuñwi kwani, yana na ni butali hahulu kufita mwana kona ku zamaiseza. Na sweli kulika kubonisa kuli Bibebe ibulela buhata. Ki hali, “Mwa ziba, mwa utwanga nguli ya Bibebe ya kale yani, kuli tapi tuna nei mizize Jonasi.” Na ize, “Mutalime, hamukoni kubeya mbola mwa mumizo wa yona, neli o munyinyani hahulu. Mutu ya hulule ukona cwani kukena mwa mba ya yona?” Ali, “Mwa bona, ki nguli fela ya kale, sina Bibebe hai ambola ka yona.”

129 Sani neli sesi tuna hahulu kuli ni—ni nahane. Se nili, “Muñaka, Ni bata ku bulela sesiñwi fa.”

Ali, “Kisikamañi so bata ku bulela?”

130 Se nili, “Mwa bona, hausika bala Bibebe hande.” Se nili, “Bibebe ibulezi kuli ye neli tapi ye ipitezi. ‘Mulimu na lukisize tapi yetuna.’ Wo neli muyaho o ipitezi, wa ku mu miza kaona, sani kona sene si mu ezahalezi! Nesi fela tapi ya fela fela. Mulimu na ka eza musebezi wo ipitezi, kacwalo Na ngile tapi ye ipitezi.” Mwabona? Na sika bulela sesiñwi ka zona hasamulaho. Kacwalo, zani, Mulimu nana ni taba ye ipitezi.

131 Sina musizana yomunyinyani, nako yeñwi, na zwa mwa tabernakele; na kamunezi milili ya hae kwa mulaho, ni kutelela, hande kufiteho sifateho sa hae sato bonahala ku piluka sina nyanisi ye yebuzwi. Na sweli fela Bibebe, inza shetumuka.

132 Muuna muhulu yo ya bizwa Jim Dorsey napila kwa Utica. Nali mutu yasa lumeli, nali musole wa kale, mi—mi na sa lumeli ku Mulimu. Mi ki hali, “Uya kai, musizana yomunyinyani?”

Musizana ali, “Ni ya kwa ndu, muñaka.”

Ali, “Kisikamañi sani so lwezi mwa lizoho la hao?”

Musizana ali, “Ki Bibebe.”

Ali, “Ha ulumeli sani, nji cwani?” Mi ki ha . . .

Ali, “Eeni, Na i lumela, muñaka.”

133 Mi ali, “Kana wa lumela likande lani mwahali mo kaza tapi tuna yene mizize Jonasi?”

Ali, “Kupalañi, luli, Na lumela Linzwi kaufela la teni.”

134 Ki hali, “Kana ukona ku bonisa cwani taba ye kuba ya niti ka nzila isili kusina tumelo, sona so biza tumelo?”

“Kupalañi,” musizana ali, “ha Ni ka yo fita kwa Lihalimu, Ni ka yo mubuza Jonasi.” Mwabona?

Yena ali, “Cwale kucwañi he haiba hana kuyoba teni kwani?”

¹³⁵ Musizana ali, “Kona kuli wena uka yo mu buza.” Kacwalo Na hupula kuli sani neli sesinde luli kwa ku otolola mutu. Kacwalo Ni sepa kuli sani si ambola ka kuluka.

¹³⁶ Haiba Bibebe ibulezi kuli Jonasi na mizizwe ki tapi yetuna, Na lumela cwalo. Na ilukisize. Seo Mulimu a si bulezi, Mulimu wakona ku si peta, mi Yena kamita wa bulukanga Linzwi la Hae. Kacwalo, Jonasi, lu ezanga lisheha ka yena . . .

¹³⁷ Kono kana mukile mwa lemuha tapi ha i tapa? I zumanga lico za yona. Mi cwale ha isweli kuca, i yanga kwatasi luli ni kuyo pumula kubeya fafasi ze itapisanga. Mufepe tapi yamina mi mubone se si ka ezahala. Lika kula mwa limba za zona, kipeto liya kwatasi kuyo beya fafasi litapiso za zona, ni kuina fani ka kui kuteka.

¹³⁸ Kulukile, tapi yetuna yene lukisizwe ye ki ha itaha mi yato miza mupolofita. Mi kiha iya kwatasi a liwate, mi mwendi neli buliba bobu tungile ha mashumi a mane kwani. Nei le luli kwatasi, kuyo ipumulisa kwa tasi a liwate.

¹³⁹ Cwale luna kamita lu hupula hahulu ka Jonasi. Mi mutu kaufela uli, “Cwale Ne ni lapelezwi, kono lizoho laka hali sika ba hande. Ne ni lapelezwi, kono ha Ni iikutwi kuba hande.” Usike wa be u bulela za Jonasi.

¹⁴⁰ Cwale mutalime ku ze bonahala zana nani. Cwale, sibaka sapili, nali kwande mwa nuka ya liñungwa, mi nali kwahule a musebezi wo Mulimu na mulumile kuli aeze. Mazoho ahae ni mautu na holofezi. Na yumbezwi mwa buliba, bwa liwate, mi tapi yetuna ya mu miza mi kiha iya kwa tasi a liwate. Mi yena na lobezi mwani mwahala mataza, mwa mba ya tapi, bucwani bwa mwa nuka inze butatelize mulala wa hae. Mi hana talimela kwa neku *le*, neli mba ya tapi. Ha talima *kafa*, neli mba ya tapi. Kaufela kwa na talima, neli mba ya tapi. Mu bulela ka taba ya li ponahazo, hakulata nabile ni yona. Kono kana mwa ziba sa na bulezi? Na ize, “Ki lika za mbango. Hani na ku kutela ku talima hape, kono hañwi hape Ni ka talima kwa tempele ya Hao ye kenile.”

¹⁴¹ Kakuli, Solomoni, mutu wa butu bwa lifasi, yana lapezi ka kuneela tempele, naize, “Mulena, haiba sicaba sa Hao si ba mwa butata kai kamba kai, mi si talima kwa sibaka sesi kenile se, konakuli usi utwe uli mwa Lihalimu.”

¹⁴² Mi Jonasi nana ni tumelo ku sa na lapezi Solomoni. Mi Mulimu a mu lamulela kuzwa mwa tapi, kasamulaho wa mazazi amalalu ni masihu amalalu. Hakulata mwendi na beile tende ya moya wa ku buyela mwani. Hani zibi sa Na ezize, kono Na mu bulukile inza pila ka mazazi a malalu ni masihu, kuya ka Linzwi. Mi Linzwi li lukile.

143 Kulukile, kambe Jonasi, mwatasa buino bobu cwalo, na ka talima hape kwa tabernakele yeo mutu na yahile, kana ku mina ni Na ku lukela kuba cwani, busibu bwa kacenu, ili kutalima kwa Tempele koo Jesu a yemi kwa lizoho la silyo la Muambakani, ka Mali a Hae Tota, inza lu lapelela kuya kaze lubulela, ka li ponahazo ze likani zaluna! Musike mwa nyaza Jonasi, mi kipeto mutalime sesi fosahalile ku mina. Mutalime kwa sepiso, “Mulimu na bulezi cwalo!” Haiba mu bana ba Abrahamama, “Mulimu na bulezi cwalo!” Na file sepilo, mi sani kona mafelelezo.

144 Mulemuhe, sicaba kaufela nesili kwande inze si yamba, mi neba cimbula tunyandi twa bona ni zeñwi. Hasamulaho nyana, kiha kutaha kalimu nuka, ona tapi, inze i matela kwa likamba. Mutu kaufela na wile ka mañwele a hae. Mulimu wa ziba mwa ku ezeza lika. Mi kiha ifita fa likamba ni kuzusa lulimi lwa yona, mi, hane i ezize cwalo, kiha kutaha mupolofita kuzwelela mwa mulomo wa yona. Mupolofita! Mi kalimu kiha ka kwa mupolofita ona fani fa likamba. Ki kabakaleo neba bakile. Mwabona?

145 Sani neli sisupo. Jonasi ka kutisiwa ki tapi, neli sisupo. Neli sikamañi sana ezize? Sani neli sisupo sesizwa ku Mulimu. Kisikamañi seo Linzwi neli bulezi? “Mubake kusicwalo mwa shwa, mwa mazazi a mashumi amane.” Sisupo sa Mulimu; Linzwi la Mulimu! Kamita, mi Mulimu aluma sisupo, Mulimu wa lumanga Linzwi la Hae mwa mulaho wa sisupo sani. Mulemuhe, “Mubake, kamba mwa mazazi a mashumi amane munzi wo kaufela uka yunda.”

146 Joani ku bonahala kwa mupolofita fa lifasi, kasamulaho wa lilimo ze mianda yemine kusina mupolofita; sisupo kasamulaho wa lilimo mianda yemine, sa ku bonahala kwa hae. Nako ya kuishumusa yani!

147 Cwale haiba mu ba moya muka swala ze Ni bulela. Mi Mulimu akwalule kutwisiso ya mina. Kubile nako ye telele cwani!

148 Myaha ye mianda yemine, mu Isilaele ya sina mupolofita, likeleke nese li lyangani, mi kiha kutaha Joani kuto iponahaza. Joani nali mupolofita, sisupo sa kuli Mesia naka bulela kasamulaho wa hae. Mutalime. Kakuli, Malaki 3 naize, “Ni ka luna Numwana wa Ka fapila Ka, kuto lukisa nzila, ku lukisa sicaba.”

149 Mutalime ku Joani, nekusina kusa sepahala ku yena. Kono na si ka ikungela kanya ifi kaufela. Neba likile ku mubiza kuli Mesia; kono naize, “Na hani swaneli ku tamulula likatulo za Hae.”

150 Kono ka nako yana tilo bonahala Jesu, Na na ni sisupo, ili Siita sa Mulilo, neli Liseli fahalimwa Hae, sina nkwilimba yene

shetumuka Linzwi kiha lili, “Yo ki Mwana Ka ya latwa, Yena ye Ni katelwa.”

¹⁵¹ Mulemuhe, mi Joani kapili abulela kuli, “U swanela ku ekeza. Na ni kusufale.” Na zibahalisize Keleke ku Kreste. Amen.

¹⁵² Lu bulelelwa kuli, mwa mazazi a maungulo, sani sika ezahala hape! Kukaba Liñusa lelika taha, leli ka zibahaza Mesia kwa sicaba. Mi likaba ka nzila yakuli, baka yema bali kukuza sina mo ne ba ezelize kwani. Na sepisize cwalo. Kauhanyo ye tatama ya Mateu, ya Malaki, ya lu bulelela ka za teni. Mutalime.

¹⁵³ Neba buzize ka zona. Sibupeho sa Joani ne si mu zibahalise ka moya wa Elia. Cwale mulemuhe bapolofita bababeli.

¹⁵⁴ Cwale, Elia neli muuna yana zuhile ka linako za Isilaele, mwa kulyangana.

¹⁵⁵ Akabe nali mulena. Mi basali kaufela neba sehile Jezabele, mi mane ni mukukulelo wa milili ni lika kaufela, sina fela haluna ni kacenu. Mi kaufela kiha ba likanyisa Jezabele. Mi balisana ba hupula kuli, “Zani nelili fela hande. Mu ba tuhele ba nosi. Muba tuhele ba eze.”

¹⁵⁶ Mi ka nako yani, Mulimu kiha yemisa muuna kuzwa mwa lihalaupa, wa libizo la Elia. Mane ha lu zibi neba kwa na zwelela. Nasina sikolo sakuli aitibahaze ku sona. Kono na tile, mi na nyazize litaba zani kaufela. Na nyazize buino kaufela.

¹⁵⁷ Hana ka taha kuto iponahaza, kacenu, naka nyaza buino bwa luna hape.

¹⁵⁸ Na nyazize Jezabele kaufela. Mi sani, mafelelezo, ki yena yana lilisize mupolofita. A mata, sina Joani; ayo ina mwatasa kota ya janipa fani Jezabele hana bata ku mu bulaya. Na mutoile.

¹⁵⁹ Mi cwale lufumana kuli fani Joani hanatile, kuzwa mwa lihalaupa hape, mutu yana lata lihalaupa, ni liñusa lene li talimile fa basali ba kacenu baba pila baba kauhani ni baba nyezi, ni baba nyezi sinca, na pumakile lika mwa liemba emba. Nasazwi kwa sikolo sifi kamba sifi. Na zwa ku Mulimu, muuna yana lumilwe kuzwa ku Mulimu. Mi na nyazize basali ba kacenu, kuba lwanisa hahulu ka katata, mi yena na sika puta ñindi nihaiba iliñwi. Kono na bulezi patalaza kuli, “Nako neili fa kaufi, Mesia nabata ku bulela.” Mutalime ku sani.

¹⁶⁰ Cwale mubapise linako za kutaha kwa Elia ni bapolofita babañwi ba lizazi la kacenu baa, kutuhela bo Jezabele ba bona inze ba kuta milili, ni kutina tuputula, kwai nyana, lika kaufela zeo babata kueza, kuba zamaisa mwahala lika. Ku hande kusa bulela sika, na ka mu siya, kunga yomuñwi. Kuba etelela mwahala lituto za ipangezi mutu; ani ki maswabisa, lituto za litumelo za mutu. Mi, ka kueza cwalo, ba fetula litaelo za Mulimu kuba ze sina mata, kakuli bakona kuikopanya kwa keleke ni ku zwelapili kuipiza Bakreste, ni kuswala litukelo zabona ni

kubulela kuli ki Bakreste, ni ku zwelapili cwalo. Sani kona seba bata. Sani kona sene ba ezize kwani.

¹⁶¹ Kono, muhupule, ki ka nako yecwalo sina yani, sina Mulimu hana sepisize mwa Malaki 4, kuli Uka taleleza Linzwi hape. Yani ki niti. Mutalime fo luinzi kacenu, sina fela mone kubezi mwa linako za Joani, sina fela mone kubezi mwa linako zeñwi.

¹⁶² Mutalime Amosi yomunyinyani yo hana tile, mutu wa kale nyana. Halu zibi kwana zwelela. Nali mulisana wa mutapi. Mulimu na muzusa mwahala mafulo a lingu ni mafulo a likomu, mi, ni ku mu laya. Mi hanatile kwa Samaria, mi ni hana fitile fahalimwa lilundu zazi lani, atalima kwatasi kwani. Ni lizazi lani linze li monyeha mwa toho ya hae ya sitenda, ni banwi ba hae baba supezi, mi meto a hae na talimile hamoho mi anza benya. Meto a hae a bumulimu na tonile, isiñi ka bakeñisa kuli bo sibuhabuhi neba boni haba kena ku yona, kakuli muleneñi kaufela ne ufilwe mwa mazoho a sibi.

¹⁶³ Kimañi mutu yo munyinyani yo, ya sika silafala? Eeni, ki Amosi, mupolofita. Na polofitile mwa mazazi a Jeroboami wa Bubeli, mulena yana yambaela, kuli batu baeze sesiñwi. Baprisita nebali kwa pata a zona. Neba yahile likeleke zende kakufitisisa. Neba na ni mitinelo yeminde ka kufitisisa. Basali ba kubona neli baba sina buiswalo kwa mitinelo. Neba apala ka mukwa one ba tabela kaufela. Ba buhabuhi neba kena mwa naha kwa mabaka kaufela, kutobona basizana babande ni ku zwelapili kwa bona.

¹⁶⁴ Neseli mufuta omuñwi wa U.S.A. ya kacenu, neba lukela kuba sicaba sa Mulimu. Nekusina mutu yana bulela sesiñwi ka sona. Ku bonahala kuli likakatezi fahalimwa sicaba. Mas- . . .

¹⁶⁵ Myaha ye lishumi kaye ketalizoho ka zetalu cwale, kacenu! Rebekah wa ka sana ni lilimo lishumi ka ze ketalizoho ka zetalu za kupepwa, kacenu. Lilimo ze lishumi ka ze ketalizoho ka zetalu, Ni silezi kwa buse bwa naha ye, ninze ni nyaza litaba ze. Mi ha Ni kutanga, mwaha ni mwaha, kubanga kukuta milili hahulu mwahala basali kufita nako yapili ha Ne nikala.

¹⁶⁶ Mukutazi yomutuna, wa Pentekota ya zibahala hahulu na ni kenyzise mwa sibaka, mwendi seli silimo se si felile, muuna, ya zibahala hahulu, lifasi loote. Ki hali Ni . . . “Muzwale Branham, tuhela ni ku beye mazoho fahalimu ni ku lapelele.”

Se nili, “Ha ni kuli.”

¹⁶⁷ Yena ali, “Kono kuna ni sesi fosahalile.” Ki hali, “Muzwale Branham, uka sinya bulumiwa bwa hao. Hakuna ya ka lumelelana ni wena. Ki kabakaleo bakutazi haba lumelelani ni wena; ki ka mukwa monyazeza basali.” Yena ali, “Sicaba sani si ku bizanga kuli u mupolofita.”

Se nili, “Na li kuba ni bulele kuli Ni ya cwalo.”

168 Ki hali, “Kono bona ba hupula kuli u cwalo.” Ki hali, “Ni lumela taba yeswana.” Ki hali, “No bizizwe kuli u lapelele bakuli.” Yena ali, “U lapelele bakuli, mi usiye basali bani ba nosi. Uka holofaza maikuto abona.”

Se nili, “Kucwañi?”

169 Yena ali, “Ku ambola ka bona ka kukuta milili ni lika zeñwi.”

Se nili, “Sani si fosahalile.”

170 Bibe ibulezi kuli, “Musali ya—ya kuta milili ya hae, muuna hae una ni tukelo ya ku mu leleka ka telekano.” Ku lukile luli. “U shubula toho ya hae.” Sani kona sene ibulezi Bibe. Cwale ha Ni zibi kamba mwa tabela seo kamba kutokwa, kono sani kona sene ibulezi Bibe, mwa Makorinte ba Pili.

171 [Hakuna manzwi fa tepu—Mu.]...ku lamatela fa litalo kufitela litalo liba fande. Mi cwale ba—ba taha cwalo, bali, “Kupalañi, Bo Branham, wani kona mufuta fela unosi wa litino zeba lekisa.”

172 Ba sa na ni lipangaliko ni mishini ye luka litino. Hakuna buinyazo. Basali ba Amish ni ba Dunkard ba sa li tinanga. Luli. [Puteho ya nyakalala—Mu.]

Mi kisikamañi sesi ezahala? Baya kwande kwani mi bazwelapili cwalo.

173 Musali naize kuna, “Kulukile, Bo Branham, Na hani tinangi tuputula. Ni tinanga za-...” Ki likamañi zani, pedo pu-... [Muzwale uli, “Pedo pusha.”—Mu.] Eeh. Ali, “Na li tinanga.”

174 Se nili, “Zani li maswe.” Se nili, “Bibe ibulezi kuli, ‘Ki maswabisa kuli musali a apale sitino sesi lukela kuba sa muuna.’” Mi ki mufuta wa masila ya cwañi ya bonahalela mwa United States cwale! Mwabona? Yani ki niti.

175 Ni ku bulelele sesiñwi, kezeli. Wakona kuba ya petahalile sina mulilima, kubo muuna hao kamba ku nyazi wa hao, kono mwa Lizazi la Katulo uka yo ikalabela ka kueza buhule. Jesu naize, “Yo kaufela ya talima musali, ka ku mu lakaza, u sa mu bukile kale.” Haiba muezalibi yani nakile aku talima, mi ayoba ni buikalabelo ka Lizazi la Katulo. Ki wena yana iponahalize cwalo ku yena. Kui swanisisa ili wena. Uh-huh.

176 Ki sikamañi sa ka tinela cwalo musali wa bumulimu? Mi uipapata kuba ni Moya o Kenile kakuli u bulezi ka malimi ni ku mata kafa ni kafa mwa mubu? Sani, nihakulicwalo, Ni boni mahedeni ba ezanga cwalo, bo Mbenezikai. Moya o Kenile ki okenile, kukena, ba basika silafala. Kaniti.

177 Muuna yo ki hali, “Haiba u...Ba lumela kuli wena u mupolofita. Kiñi hausa baluti mwa ku amuhelela limpo zetuna za moya, ni mwa ku ezeza lika za Mulimu? Kiñi hausa baluti zani haiba u mupolofita?”

178 Se nili, “Kana Ni ka ba luta cwani lipalo zetuna kanti haba zibi nahaiba ABC ya bona?” Kana mwa ziba seo ABC italusa? “Kamita Mulumele Kreste.” [Mwa Sikuwa, “Always Believe Christ.”—Mu.] Uh-huh. Kana muka kona kueza cwani sani? Mwabona, mubata kufita fahalimu *fani*, mwa sibaka sakuli mukalele fafasi *fa*.

179 Mulimu ukayaha Keleke ya Hae fa mutomo wa Jesu Kreste, mi yani ki Bibebe. Kwande a sani, libaka zeñwi kaufela ki lishabati. Mulimu ha cinci. Sibupheho sa Hae ha si cinci.

180 Na bupile basali kushutana ni baana, ni baana kushutana ni basali. Na ba apesize ka kushutana, mi ubata kuli bapile kuli ka nzila yani. Mwabona? Basali babata ku bonahala sina baana, ni baana babata ku bonahala sina basali. Oh, mawi! Kulyangana koku cwalo! Ki. . . Mi taba kaufela, ibonahala kuli ina ni mata fahalimwa sicaba, mi hamukoni ku cinca. Ku bonahala sina sipuku sesituna, lififi leli tuna; haiba mu utwisisa se Ni bulela ka sona, ka moya. Sipuku si ba sweli, mi bona—bona haba koni ku ikambusa ku sona; bu Hollywood ki bo buñata hahulu, mazimumwangala ka buñata, buñata bwa lika zeñwi za bukuba. Lika kaufela ze lunani li tampakanile. Ki kabakaleo, “Haiba musebezi upumehela fahali, kabakala Baketwa, neku sike kwaba nama yene ka piliswa.”

181 No ize, “Na li kuba nizibe zani haisali.” Kulukile, cwale mwa ziba zateni, kuzwa fa kuya kwapili. Mwabona? Sani. . . Ku hande ni yemele foo. Halu yeni kwa mulaho. Mulemuhe.

182 Joani nali sisupo. Mi muhupule kuli, ka nzila yana ezelize Mulimu ka nako yapili, kona Mwa ka ezeza hape. Na sepisize kueza sani. Cwale, Mulimu asikabe aituisisa sikwata sa batu, ka nako kaufela, kuze cwalo.

183 Muhupule, nekuna ni sikwata nako yeñwi, kuli, muuna muhulu Akabe, kiha fita fakuli. . . na lwezi bapolofita baba eza mianda yemine ba ma Isilaele. Cwale, bani nesi bapolofita ba mahedeni. Bapolofita babaeza mianda yemine ba ma Isilaele. Kaufela bona neba nani mapampili a lituto zabona ni lika kaufela, neba nani sikolo sesi tuna.

184 Neku nani muuna wa bumulimu yana bizwa Jehoshafati, yanali mulena wa Juda, mi kiha taha. Mi fani kona fo mulumeli na lyangani hamoho no yasa lumeli. Lika neli fosahalile.

185 Mi yena ali, “Ramoti-Giliadi.” Cwale mulemuhe se, kamo ikona kubela niti. Ki hali, “Ramoti-Giliadi ki sibaka saluna, ona kwani. Kwani kwa neku la naha ona kwani, sani ki saluna.” Joshua, ka kuaba naha, nafile sani ku Isilaele. Mi Mafilisita, bahedeni, kiha bataha mi banga naha kuzwa kubona. Ki hali, “Yani ki naha yaluna.”

186 Cwale mulemuhe cwana, ka swanelo, batu bakona kuba baba lukile mi ba Si mbunja. Naha yateñi kaniti neli ya ma

Isilaele. Kono lisepiso za Mulimu kaufela, muzwale, ki za litaelo, mwabona, “Haiba baka zamaya fapila Mulena.”

¹⁸⁷ Cwale mutalime kwanu. Ki hali, “Kana uka ya ni na, mi unituse ku nga naha yani ku ikutisa? Kulukile, zani, banana bani ba Mafilisita basweli kutaza limba zabona kusinduka kwani, ka buloto bobu lukela kuba bwa ma Isilaele.” Sani silukile kuya ka Mañolo. Yena ali, “Ni tuse niye kwani mi ni yo iinga.”

¹⁸⁸ Ali, “Kulukile, mu. . .” Fani kona fa napangezi mafosisa amatuna. “Makoloi aka ki a hao, baana baka kinto yeswana ni ba hao. Ni ka ya ni wena.”

¹⁸⁹ Mi cwale Jehoshafati akala ku nahana, mwa ziba. “Ali, kikuli halu lukeli ku buza Mulena ka zateni lusikaya kale?”

¹⁹⁰ “Oh, ki niti,” Akabe ali, “kaniti. Uh-huh. Uni swalele. Ni—Ni lukela kuba ya nahana cwalo.”

“Ki kuli hakuna mupolofita kokuñwi?”

¹⁹¹ “Oh, luli. Ni na—Ni na ni—ni mukopano kwateni kwani, omunde ku ye mukile mwabona. Kaufela bona ba tinanga litino zende. Ki baituti baba cilokile. Ni ba lutile, kufita fateni. Lukaya luyo banga.”

¹⁹² Kacwalo kiha baya teni kwani. Mi kaufela bona bataha hamoho. Neba si ba buipi. Neba lapezi ni kulapela ni kulapela, kufitela babona pono.

¹⁹³ Mi cwale kiha bataha. Mi alimuñwi wa bona aeza manaka amabeli amatuna a sipi. Ki hali, “Ka se uka yokoma Mafilisita, kamba haili—haili Maasiria, ba ka zwa mwa naha.” Ki hali, “KISONA SA BULELA MULENA. U zamaye, Mulena una ni wena.” Mutu ni mutu wa bona, he, ka buñwi, kuwela mwa moyo. Bapolofita ba ma Isilaele bali, “U zamaye, Mulena una ni wena.” Mu li, kana kiza Mañolo zeo? “Mulimu nafile sanda se kwa sicaba, mi sila una ni zona. Una ni tukelo ya kuya kwateni kuyo inga.”

Cwale, Pentekota, Ni bata kuli munge tuto fa.

¹⁹⁴ Kono, Jehoshafati, kakuba muuna wa bumulimu, ki hali, “Kuna ni sesi fosahalile nyana pili.” Ali, “Kana hauna ni yomukana ya siyezi nji?”

¹⁹⁵ “Nako ye hape, kasamulaho wa lilimo ze mianda yemine bapolofita baba lutilwe hande inze bayemi fani?” Kuya ka baba liteni fafasi fa. “Ba bayemi mwa buñwi, bali, ‘KISONA SA BULELA MULENA.’ Ku li sikulula, ni kuli, ‘Joshua kiyena yana lufile naha ye. Ki yaluna. Uye uyo inga!’”

¹⁹⁶ Kono Jehoshafati akupela alimuñwi fateni. Ali, “Kikuli hakusana nihaiba alimuñwi ye lukona kubuza Mulena ka yena?”

¹⁹⁷ Ki hali, “Oh, ku sa na ni alimuñwi, kono,” ali, “Ni mu toile.” Uh-huh, uh-huh. Ali, “Yo ki Mikaya, mwana Imila.” Ali, “Ni mu toile. Yena kamita ubulelanga ze maswe ka na.”

Ali, “Mulena asike abulela cwalo. Zamaya uyo munga.”

¹⁹⁸ Mi kiha ba luma mapolisa kuya kwani. Mi babañwi ba kubona bali, “Cwale, Mikaya, Ni bata kuku bulelela taba yeñwi. Cwale, wa ziba neba ku lelekile,-lelekile kuzwa mwa kopano, haki kale hahulu, kakuli wena kamita ubulelanga lika ze maswe kwa sicaba. Cwale haiba ubata kuba ni kadi ya hao ya kopano, ubulele lika ze swana zeba bulezi nibona, mi, oh, baka ku shimba fela mwatasa lizoho la bona.”

¹⁹⁹ Kono yena nabile mupolofita wa luli. Ki hali, “Kuya ka Mulena Mulimu yapila, Na nika bulela fela seo Mulimu uka beya mwa mulomo waka.” Oh! Mulimu afuyole muuna yani. Ki hali, “Mulibelele kufitela busihu bwa kacenu, mi Ni ka bona seo Mulena alu bulelela.”

²⁰⁰ Ka le litatama kakusasana, ali, “Zamaya kwateni, kono Ni bona Isilaele uhasani sina lingu ze sina mulisana.” Mi anga pono ya hae ni ku ibapisa ku sa na bulezi Elia ali, sene si ezahalile ku Akabe. Naka yo fuyola cwani se si kutilwe? Hakuna taba kuba cwani. . .

²⁰¹ Luna lu naha ya bumulimu. Keleke ya Pentekota, Baptist, Methodist, ni zeñwi cwalo, ki likeleke za Sikreste, kono kana mukona kufuyola cwani sa kutile Mulimu? Ha nina taba, mu li, “Ni—Ni ikopanyize ku se. Ni ezize se.” Sani hasina nto iliñwi ya kueza ni sona. Mutalime se mu ezize. Mutalime kwa Pentekota, mo ne ba itobohezi. Mutalime sene mubanga sona kwa mulaho, mi mutalime semuli sona cwale. Ki kabakaleo, meto ki a, meto afofalizwe.

²⁰² Cwale yena, Akabe, . . . Muprisita yo a mu bakula fa mulomo. Mi ali, “Mu mubuluke,” mi Akabe ali, “mu mubeye mwani mwa tolongo ya mwahali. Ha Ni kayo kuta mwa kozo, Ni ka to bonana ni mutangana yoo.”

²⁰³ Yena ali, “Haiba u ka yo kuta nihanyinyani, Mulimu ha sika bulela ku na.” Uh-huh? Mwabona? Yani neli mupolofita, sani neli sisupo; lani neli Linzwi la Hae. Mi, kupalelwa ku li utwela, neku tisize katulo.

²⁰⁴ Moya o Kenile kiyena mupolofita wa luna kacenu. Kupalelwa kuutwa Linzwi la Hae? Yena wa zibahazwa mwa Mañolo, kuli Uka bulela litaba ze. Jesu Kreste, mufuta wa Moya o Kenile!

²⁰⁵ Mulimu na talimana ni muuna alimuñwi yo. Yo, Mulimu asikabe a talimana ni likwata; ki ka muuna alimuñwi. Elia nasi sikwata. Joani nasi sikwata. Nebasi likwata kamba kopano, nihaiba iliñwi ya zona. Kono sibeli sabona neba nyazize zecwalo. Yani ki niti. Joani naize, “Musike mwa hupula kuli Abrahamama ki ndata mina. Mulimu wakona kueza kuli macwe a azuse bana ba Abrahamama ku ona.”

206 Mi sisupo sa nako ya maungulo sikaba ni Linzwi la nako ya maungulo. Mi sisupo sa nako ya maungulo sikaba kuya ka ze bulezwi mwa Bibe. Mi Linzwi la nako ya maungulo, leli latelela sisupo sa nako ya maungulo, sika zibahazwa handende mwa Mañolo, ikaba Mañolo a sepisizwe.

207 Cwale lu balile mwa Luka 17 ka seo sisupo sa nako ya maungulo ikaba sona, ikaba sina sene sili kwa Sodoma, yona sepiso. Mi luna ni Sodoma mwa butu, kiñi halu sa lumeli sisupo sa moya fa? Haiba mukona kubona Mañolo, hape, Luka 17 ki sisupo, mi Malaki 4 ki Linzwi. Sisupo ne si swana sina Mulimu hana iponahalize mwa nama, inza ziba likunutu za mwa pilu; mi Linzwi la Malaki 4 neli sikulula batu kuzwa kwa lituto za litumelo zabona, kuba kutisa kwa Tumelo ya bashemi. Sani ki sisupo.

208 Kana mwa ziba kuli kiñi? Na kwala cwale. Lisupo kamita za amuhelwanga, luli; kono, haili Linzwi, oh, kutokwa. Linzwi leli latelela sisupo, ha ba tabelangi kueza sika ka lona. Eeni.

209 Sisupo sa Jesu, kakuba Mesia, ku folisa bakuli, neba amuhezi sani. Kono zazi leliñwi ha Na ize, “Na ni Ndate lu nto Iliñwi.”

210 Oh, mawi, Linzwi lani neli sika amuhelwa. Ne ba ize, “Wena Uikeza kuba Mulimu, ya likana ni Mulimu.”

Yena ali, “Ni Mwana Mulimu.”

211 “Oh, mawi, kana Mulimu na kaba cwani ni Mwana? Mwabona, libe kwahule zakuli Mulimu una ni Mwana!”

212 Kono, mwa bona, neba—neba lumezi sisupo, bakuli neba fola, mi, oh, zani neli zende, zani neli fela ze munati. Kono cwale hane sitilo taha fa Linzwi, neba sika tabela ku lumela Linzwi. Kiñi sene ba ezize? Neba Mu kashelize kwande.

213 Mi kana mwa ziba kuli kiñi? Bibe ya lu bulelela, mwa Sinulo kauhanyo ya 3, kwanu kwa Lusika lwa Nako ya Laodesia, kuli Uka eziwa ka mukwa oswana. Nali kwande a keleke. Lani ki Linzwi leli iponahalize. Nali Linzwi leli iponahalize. Mi Usali Linzwi leli iponahalize.

214 Haiba mwakona ku lumela sisupo sa Sodoma, sa Luka, haiba mukona ku lumela sani, cwale kiñi ha mu sa amuheli Linzwi la Malaki 4? Mwabona, kiñi hakupala ku mina, mina? La kona ku pakiwa. Nzila fela inosi ye likona kubela. . . Sisupo sa kona ku pakiwa, kono mu lukela ku amuhela Linzwi.

215 Mushe na lumilwe kuli aye kwani, mwa butu, mi ange sisupo sa moya ni kubizeza batu kukutela kwa sisupo sa moya sa sepiso ya bashemi.

216 Malaki 4 kiya ku kutisa sicaba “Kukutela kwa Tumelo ya ya bashemi.” Oh, ha mukute, O mina baba hasani, mu kutele haenu!

217 Ka kukwala, Ni ka bulela se, taba ya mafelelezo ye. Mupolofita naize, “Ku kaba Liseli kwa nako ya maungulo.”

Mutalime, naize, “Kukaba lizazi le li sike la bizwa musihali kamba busihu.” Cwale muteeleze. Na kwala. “Ku kaba lizazi. . .” Se hasi nwele ka kutunga, mi Mulimu a si beye mwa pilu kaufela yeliteñi mwa silalanda se, busihu bo, mwa muyaho wo. Mupolofita naize, “Ku kaba lizazi leli sike laba musihali kamba busihu, mufuta wa ku sabisa, la pula, lizazi la mbundu. Kono,” naize, “kwa nako ya manzibwana, ku kaba Liseli.”

²¹⁸ Cwale, muhupule, lizazi kamita li pazulelanga kwa Upa kuya kwa wiko. Litaba za zwelopili li latelezi lizazi. Mwa ziba cwalo. Mi, mulemuhe, ona lizazi leli swana leli pazulelanga kwa Upa ki lona lizazi leli swana le li likelelanga kwa Wiko. Cwale, zwelopili i zamaile ka ku likanyisa lizazi, kufitela cwale Upa ni Wiko ke likopana. Seluli kwa Likamba la Wiko; Upa ni Wiko.

²¹⁹ Mi, muhupule, Evangeli i zamaile ka mukwa oswana. Ne i kalezi kwa Upa, kutaha kwa Jesu Krete, yena M-w-a-n-a, isiñi l-i-z-a-z-i. M-w-a-n-a, yena Mwana Mulimu, na zwile kwa Upa, kwa sicaba sakwa Upa.

²²⁰ Mi kuna ni lizazi leo sicaba si i kopanyize mwa keleke, si pangile likopano, liseli nyana fela la kubonisa, “Kulukile, lukaba ni keleke. Luka yaha se. Luka yaha sikolo. Luka yaha sipatela. Luka luta. Luka ba ni mukopano.” Babile ni liseli nyana la kuezwa cwalo.

²²¹ Kono, muhupule, Bibebe ibulezi kuli, mupolofita wa Mulena, mwa Bibebe, yona ili KISONA SA BULELA MULENA, “Ona lizazi leli swana lani kwa Upa lika monyeha hape kwa Wiko, kwa nako ya maungulo. Ku ka ba Liseli ka nako ya manzibwana.”

²²² Kisikamañi Sa ka eza? Sani kaniti sieza lika za Na bulezi mwa Luka kauhanyo ya 17. “Kwa nako ya maungulo, fani Mwana mutu hanza patululwa ka nzila ye swana sina mwa Na bezi kwa Upa, yena Mwana yaswana uka benya, ona Mata aswana, ona Moya o Kenile, Taba yeswana ika eza lika ze swana. Kukaba Liseli ka nako ya manzibwana.”

²²³ Lizazi leli swana li zamaile; yena M-w-a-n-a kiyena ya zamaile; kuzwelela kwa Upa, kuzwa ku Paulusi; atulela mwa Germany, ku Martin Luther; atula hape, kwa kuhoha kwa Hae kone ku tatama; mi azwa kwani aya kwa England, ku John Wesley; kutulela kwa buse bwa Liwate la Atlantic, kuya kwa United States, kwa Pentekota; mi cwale Pentekota iikambuzize ili yona ku zona, mi se luinzi fa Likamba.

²²⁴ Mutu ni mutu wa bona, na i kopanyize, sina fela mone ba ezelize kwa simuluho, neba pangile kopano yeo Mulimu na kutile. Pentekota, ni babañwi, neba ezize sani.

²²⁵ Kono Yena ali, “Ku kaba Liseli ka nako ya manzibwana. Ku kaba sisupo mwa nako ya manzibwana.” Musike mwa Si mbunja, balikani. Musike mwa Si mbunja. Cwale, yena Mwana yaswana u kafa Liseli. Ona l-i-z-a-z-i leli swana lifanga liseli leli swana

la i-z-a-z-i. Yena M-w-a-n-a ya swana kiyena yafa Liseli la M-w-a-n-a.

²²⁶ Cwale, ani a ki manzwi aka. Mutu kaufela mo, ya ziba kuli Bibebe ibulezi cwalo, munanule mazoho amina. [Puteho ili, “Amen.”—Mu.] Yani ki niti luli.

²²⁷ Cwale, mwa kona, ku itingile ku mina. Mulumele kuli Mwana Mulimu, Jesu Krete, yena, ha ki ya shwile. Yena wa pila. Yena uinzi mwa kuishuwa, ku ikokobeza. Yena kamita napilile ona cwalo. Nzila ye kambama ki kushetumuka. Mu ikokobeze ilimina, muzwe kwa mihupulo yamina ya bungulunde, mi mulumele Mulena Jesu. Mubone sisupo, kutuha fo mulumele Linzwi. Mukute, O mina baba hasani, mukutele haenu!

Halu inamiseni litho zaluna.

²²⁸ “Mi haiba habana ku lumela Linzwi la sisupo sapili, mwa lizoho, sina mone kubezi ku Mushe, konakuli ueze sisupo sa bubeli. Mi, haiba haba lumeli sisupo se, konakuli unge mezi (mezi ayemela bupilo) sani ki mwa liwate kamba mwa nuka, uka asulela fafasi, aka fetuha mali.”

²²⁹ Ndate yakwa Lihalimu, seli busihu luli cwale, kono No sepisize kuli kukaba Liseli ka nako ya manzibwana. Tuhela kuli Linzwi la Evangeli yaluna linwele mwa lipilu za sicaba, habanze ba kengeyela ku Lona ni ku li balisisa ka Linzwi.

²³⁰ Fuyola silalanda se, Mulena. Fuyola sicaba. Bona bainzi mo, ba lapile, bana baba nyinyani ba lahakile mautu ni ku itiisa kwa miinelo ya butu, mi se, kakuziba kuli Satani na ba fougafize fela kwa lika hane Si fitile fani. Cwale babe, buñwi, mwa busihu bo, ba lumele Jesu Krete, ba lumele sepiso ya Hae, kuli U zuhile kwa bafu.

²³¹ No ize, “Kanakano yeba sa lemuhi, kiha ku ka taha Mwana mutu.”

²³² Ona fani keleke hai fitile fa kuba ni, mashelēni a mañata nyana, kuyaha bo lule ba ma dollar mwa miyaho. Neba kaba babande, Ndate, Na lumela, kwa mulaho ko bayemi mwa lilulu, banze baliza ka—ka kambuli, ni kuwani mwa lizoho la bona, ngoma ya kale kwa tuko sina ba Salvation Army, kufita mone ku kabela kuina mwa miyaho ye mituna ye busihu bo, kulika ku likanyisa lifasi, “Kuba ni mufuta wa bumulimu, mi ba latula Mata ateni.”

²³³ Alaba, Mulena, busihu bo, nako ye, Mulena; sina Samisoni hana huwile, “Nako ye hape, Mulena, nako ye hape.” Ha ku zibahale kuli Wena ki wena Krete, yena Mwana Mulimu; yaswana maabani, kacenu ni kuyakuile. Mi uiponahaze Iliwena muwahala luna, kuli babone sisupo, mwendi baka lumela Linzwi. Ku se, Na kupa ka Libizo la Jesu Krete. Amen.

²³⁴ Luka biza mukoloko wa ku lapelela, onafa kapili. Na bona seli nako ye lukile cwale yakuli lu zwe. Kono halubeñi ni

mukoloko wa ku lapelela, mukoloko wa ku lapelela o likani, kutuha fo luka kala kamuso.

²³⁵ Ufile makadi a litapelo kacenu. Kabakaleo, lwa fanga makadi a litapelo zazi ni zazi, kuli mutu ni mutu abe ni kolo ya kutaha, nako ye ipitezi. Mu kene mwa mukoloko wa litapelo, sani hasi ku folisi. Mutu kaufela wa ziba, mwa mukopano kaufela, kubanga baba fola babañata kwande kufita baba foliswanga kwanu, mwabona, kamita. Moya o Kenile uteni fela kai ni kai. Yena ulika fela kufumana balumeli, ku felile, be Akona kufita kubona.

²³⁶ Mufe makadi a litapelo a P, sina ku Paulusi. Halu, kolu bile. . . Kulukile, luka biza kukala alimuñwi. Alimuñwi, bababeli, ba balalu, babane, baketalizoho, ba silezi, ba supile, ketalizoho ka babalalu, ketalizoho ka ba bane, lishumi, bao ba yeme *kwanu*, haiba mwa kona. Makadi a litapelo a bona a P, sina ku Paulusi, alimuñwi kuisa lishumi, muyeme kwanu neku *le*, haiba mwakona kuyema. Haiba hamu koni, konakuli luka fumana mutu yaka mitusa. Lishumi; alimuñwi, bababeli, babalalu, babane, baketalizoho, silezi, supile, ketalizoho ka babalalu. . . Ku lukile, ku siezi bababeli. Ketalizoho ka babalalu, ketalizoho kababane, lishumi, ku lukile. Lishumi kuisa lishumi kaba ketalizoho, lishumi kuisa lishumi kaba ketalizoho, ku siezi ba ketalizoho hape. Lishumi kaba ketalizoho kuisa mashumi amabeli, muyeme kuli Ni bone haiba muyemi; P, lishumi kaba ketalizoho kuisa mashumi amabeli. Mashumi amabeli kuisa mashumi amabeli ka ze ketalizoho. Halu bone cwale, kaufela ko muinzi. Cwale sicaba sesi siezi sibe ka likute luli, fa mizuzu ye likani fela. Yani ikaba kadi ya tapelo ya P, alimuñwi kuisa mashumi amabeli ka ze ketalizoho. Nji cwani? Mashumi amabeli kaze ketalizoho, alimuñwi kuisa mashumi amabeli kaze ketalizoho.

²³⁷ Cwale mutu kaufela abe ka likute luli. Mufe Mulimu likute tuna lani, mufe Liñusa. Mu kolotezi Mulimu, kuli mutalime mi mulemuhe.

²³⁸ Cwale Na sepa basweli ku lukisa sicaba. Bani baba sakoni. . . Haiba bana ni kadi ya tapelo, kaufela bona habana kuyema mwa mukoloko, baka iponela; baka ni bulelela mwa mizuzu nyana, mi he kipeto. . . mi luka bona haiba yomuñwi ya shwile mazebe kamba yomuñwi yasa koni.

²³⁹ Hani zibi koba inzi, balikani, makadi a litapelo ani. Mubili utahanga fafasi fa. . . (Kimañi yana afa? Kana ki wena, kamba Billy? Billy?) Kihande wataha niyena, mi wa kopanya ku a shobanisa, fapila mina batu, mi kipeto wa mifa kadi ya tapelo; wataha ona cwalo, umi bulelela kuli kaufela mina muine, ku mifa kadi ya tapelo. Mwabona? Hani zibi koba fumaneha. Nibile ni lika kunga mwana yo kutaha fa, mwabona. Mi, babañwi, Na—

Na hanizibi kaza, Na—Na hanina nzila ya kuziba zani. Na sepa Mulimu uli beile ka nzila Ya bata kuli ibe sina cwalo.

²⁴⁰ Cwale, cwale mina baba siezi, mina musina kadi ya tapelo. Munanule mazoho amina, muli, “Hanina kadi ya tapelo, kono Na kula.” Munanule mazoho amina, kai kaufela mwahala muyaho. Hanina taba ko mu inezi, munanule fela. . . Kulukile, hakuna batu babañata hahulu mo, cwale. Kulukile, kuya ka sani, hakuna kunga nako yetelele hahulu ku lapelela mukoloko wa litapelo kamuso. Kuna ni babaeza mashumi amabeli mo, kusina ba bayemi mo, baba kula.

²⁴¹ Zani ki zende. Ni tabela ku mi bona ha mu li amuhela sina cwalo. Muna ni tumelo yeñata kufita mo ne Ni hupulela, hakulata. Mwabona? Mwabona? Haiba mu amuhezi foliso ya mina, muyumbile kadi ya mina, Mulimu ami fuyole. Yani ki tumelo yaluli. Hakuna mutu ya mubeile mazoho; mubeile mazoho ku Kreste.

²⁴² Cwale mina busihu bo, ba basike kuba mwa mukoloko wa litapelo wo, mulumele likande le. Sina musali yani yana sweli mungundo wa sapalo sa Hae, mi A fetuha ni kuto fumana kuli musali na Mu sweli, ki ba babakai baba hupula likande lani? Luli, ku cwalo.

²⁴³ Cwale kana mwa lumela cwalo, Yena, Bibebe iize mwa Maheberu 4, kuli, “Ki Muprisita Yomuhulu, ona fa, yakona ku swaliwa ka maikuto a matuku aluna?” [Puteho ili, “Amen.”—Mu.] Kulukile, haiba Yena wa swana maabani, kacenu, ni kuyakuile, kikuli Hana kueza ka kuswana? [“Amen.”] Kikuli Ha sika lieza, busihu ni busihu, mo? [“Amen.”] Ki babakai ba babile mwa mikopano yeñwi mi ba Mu boni ha li eza? Munanuhe fela. [“Amen.”] Luli. Mwabona? Mwahala lifasi! Wa ziba, Wa ziba lika kaufela ka mina.

²⁴⁴ Cwale mwabona se Ni lika kueza? Ki ba bakai baba utwisisa se Ni bata ku eza? Mwabona? Ni bata kuli mina, kusina mutu ya mi yemiseza lizoho, Ni bata mina, sina sibyana sa luli sa Mulimu, mu bulele kuli, “Jesu Kreste, Na Ku lumela. Na Ku amuhela cwale kuba Mufolisi waka. Na Ku amuhela kuba Mupilisi waka. Na lumela ka pilu yaka kaufela, musebezi wateni upetahalile.” Kipeto muswale sepiyo yeo, muswale buipuleli bwa mina mi muzamaye kwa pata ni bona. Mutalime sesi ka ezahala. Mwabona? Mutalime se si ka ezahala. Mwabona? Cwale sani kona se Ni lika kueza kuli mina mueze, nzila ya niti ye lu lukela kulumela.

²⁴⁵ Kisikamañi semu ka bulela? [Yomuñwi uli, “Yabune ni lishumi kazeketalizoho kazene.”—Mu.] Nombolo yabune, kadi ya tapelo yabune ni nombolo yabu lishumi kaze ketalizoho kazene, hai yo. Kadi ya tapelo yabune. Mutalime yomuñwi; mutalime fa kadi ya tapelo ya ye mubapani niyena. Kadi ya tapelo yabune ni nombolo yabu lishumi kazeketalizoho kazene.

Ku lukile, fa nako nyana fela, mulitele. Mwabona, haiba ha Ni mubizi, konakuli Ni ka kuta mwa mulaho kusani, mwa bona. Muli sikamañi? Muli sikamañi? [“Yabune.”] Muna ni yabune? Kucwañi ka naini- . . . Batili lishumi kaze ketalizoho kazene. Muli cwani? [“Kubeya fateni zene.”] Kadi ya tapelo yabune hai sika fita kale, kamba lishumi kazeketalizoho kazene. Haiba kuna ni yana ni makadi ao, haiba muka taha mwa mukoloko wa tapelo. Kamba, mutalime, mubone, ikona kuba . . . yana ni . . . Kana mbututu yani una ni kadi ya tapelo? Mutatube, haki yona . . . Yani haki yona nombolo. Kikuli kalibe yo a una ni kadi ya tapelo, mwa sipula sa mawili se? Mutatube nombolo yamina. Kana yani kona—kona nombolo ya mina? Kalibe yali fa mumbeta, huh? Ba i fumani. Bona, ke a kona cwale. Kulikani. Ku lukile. Cwale—cwale, mina sicaba baba nani makadi a litapelo, mu a swale. Luka sebeza, ka muhau wa Mulimu.

²⁴⁶ Cwale, balikani, busihu bo kakuba busihu bwa mafelelezo ku e lu kaba ni ona, kamuso ki musihali la Sunda, halu itukiseni luna bañi. Cwale muzuse fela kusa lumela kaufela ko munani mi musike—musike mwabe mu nahana cwalo, mi muibeye fafasi, mi mutome liutu la mina fateni, sina mone kuinezi. Muli, “Mulena Jesu, Ni ka Ku lumela.” Ki babakai baba ka eza cwalo? [Puteho ili, “Amen.”—Mu.] Ni itumezi. Mulimu ami fuyole.

²⁴⁷ Cwale kusike kwazwa nihaiba alimuñwi. Muine fela ka kukuza hande, mi mulumele. Mutalime kwa neku le, mi cwale mutalime.

²⁴⁸ Ponahazo ya Mulimu ibile i zibahala kamita, yakona kubona zebe bile teni, ni kubulela sesi bile teni, sani sicwani, kamba sesika bateni. Lwa ziba sani. Cwalo kona mone bazibelwa bapolofita. Cwalo kona mwana zibahalisizwe Mesia. Mi ki Mesia yaswana kacenu sina mwa Na bezi kwani, fela hana mubili wa butu fa lifasi fa. U lumile Moya wa Hae kuitusisa mubili wa mina, mubili waka. Cwale, mwendi hamukoni kueza se. Lwa ziba, mwa Mañolo, kubanga alimuñwi mwa lusika. Kono, mwabona, kono mane mwakona ku lilumela, mi muna ni lika zeñwi ze mukona kueza, mutu ni mutu.

²⁴⁹ Kucwañi he haiba munwana waka wa itakaleza, kakuli lani haki liito laka, hauna kuba munwana waka ni haiba? Kucwañi he haiba lizoho le likali, “Hanina kuyema hape ni hanyinyani, kakuli haiba ha Ni liito, kamba zebe, na hanina kuba lizoho”? Kiñi, nelika holofaza mubili waka.

Mube seo Mulimu ami beile kuli mube sona.

²⁵⁰ Ki linako zekai ze Ni ikumbutile Oral Roberts, Billy Graham, Tommy Osborn!

²⁵¹ Babañwi ba baana bani neba keni mwani mi bali, “Kanya ku Mulimu! Mu lumele!” Tumelo yetuna. Kuzamaya kwani, kuzamaya kwani sina ka mo ba kona kubela babanca.

252 Billy Graham na yemi ka liñusa, ni kubulela ka mizuzu nyana, ali, “Mupange buiketelo bwa mina; mutahe kwa aletare.” Muyeme fela ona cwalo, musike mwa zamaya ni hanyinyani.

Na ize, “Kacwalo kiñi ha mu eza cwalo, Billy?”

253 Ali, “Liñusa laka neli bulezwi. Lizwa ku Mulimu.” Yani ki niti.

254 Yena uinzi kwa keleke yakwa Sodoma yani, ona cwalo fela mo ku lukela kubela. Libizo la hae lifela ka h-a-m kuzwa ku Abrahamama, litaku ze silezi; Abrahamama neli zesupa [Mwa Sikuwa Abrahamama ki litaku zesupa ‘Abraham’—Mu.] Mubone numwana wa keleke yani, kwani kwa Babilona? Kaniti. Hakuna mutu mwa naha yakile autwa liñusa lani la kubaka, sina Billy Graham. Uyemi fani. Kiha zamaya ku ikela kuzwa kwani, ni kuya kuyoca nama ya nama ya T-bone ni kuya kwa ku lobala, kunwa mabisi a temile. Yani ki niti.

255 Mi cwale hamuna ni kuyema ni ku lwanisa diabulosi! Nako yeñwi kwa likamba la Long Beach, Muzwale Jack ni Na... Ndata mina na yemi fani.

256 Mi fani neku yemi Bo Fuller, Charles Fuller, muzwale yomunde, nayemi fani inze akutaza. Neku nani batu baba eza likiti zepeli kamba zetalu musihali wani. Nelu inzi ni kuteeleza kwa mukopano wa hae. Neni nani muyaho ono lifelwa, ka yena. Mi kiha yema fani ni kubulela hande. Mi ali, “Mutu kaufela mo yabata ku amuhela Kreste?” Batu bababeli kamba babalalu ka kuneela limbututu. Musali yomuñwi naize na bata ku li amuhela. Ki ha sa taha atofa tapelo nyana, alimuñwi wa madikoni, akuta ni ku yoina. Lwato itumelisa mazoho, kiha sikuluha ni ku ikela. Fani kona fone kuna ni zibo ya hae, sikwata sesinde sa batu babande, kuzamaya kuya kwani.

257 Kiha kutaha ba ka mwateni, libaki zekama, lipula za mawili, libofu, lianga, baba zielehile, ba basitani. Mi tumelo yamina hai talimana ni ze cwalo!

258 Cwale fa, kisikamañi se Ni ipapatezi Kreste ka sona? Mi cwale babasa lumeli bainzi, baba bata kufumana mafosisa, mwabona, kulika fela kufumana mafosisa ali mañwi.

259 Muhupule, kwanu haki kale hahulu mwa Toronto, nelu yemi kwani lunze lukutaza, ku lapelela bakuli. Ne nisweli kuutwa moya usili; ne uinzi kwa neku laka la nzohoto. Ne ni tundamezi u kotalima. Neku na ni muuna yana inzi kwani, sikwata nesi mu memile kuli atahe ani tabise. Na yanga kwa mafulo a masole ni ku beya masole kuyema ka mazoho abona ni kuhuhula sina linja, ni lika; kuba yaulula. Ne ni utwile moya o maswe wani. Ne nisa zibi kone uzwelela. Na zwelapili kotalima. Ne ni boni muluti o munsu wani. Na libelela fa mizuzu ye likani. Na li, “Wena mwana Satani, kiñi diabulosi ha foufalize mihupulo ya hao ku sesiñwi sina cwalo? Kakuli mutile kutonga za Mulimu, ku yema ka Moya

wa Mulimu, baka ku leleka kuzwa kwanu.” Na omelezi ona mwa sipula sani sa hae mi usali ya omelezi luñañali. Mwabona?

²⁶⁰ Halu bapalisi keleke. Ki babakai ba babile mwa mikopano mi baboni lika ze swana linze li ezahala, mwa ziba lika ze eza halanga? Luli. Yani ki niti. Muhupule, mube—mube ni likute.

Cwale kiyo fa, Na sepa, mutu wapili. Ki niti yeo nji?

²⁶¹ Cwale, mwabona, Ni kutalize, ni mibulelezi hande se ne si lukela ku ezahala mwa lizazi le. Cwale sani ki sisupo, haiba ku ze ezahala. Sani kona seo sisupo nesili sona, konakuli mulumele Linzwi leli latelela sisupo seo. Mwabona?

²⁶² Cwale kiyofa musali. Luli, ku mina baeñi, yo ki Muñoli Joani 4, koo Mulena luna Jesu nakatani musali fa siliba. Neba sika kopana kale, mwa bupilo, mi a bulelela musali seo butata bwa hae nebuli sona. Mi musali alemuha kuli yani neli Mesia. Mwa ziba likande? Kile fa hape, muuna ni musali bakopana. Cwale yena haki musali, mi na haki Na Muuna yani, kono yani isali Mulimu ya swana. Mwabona? Cwale, Jesu naize, “Misebezi ye Ni eza muka ieza ni mina,” Muñoli Joani 14:12.

²⁶³ Cwale, kalibe, ka kusa ziba, hau zibi so yemezi fo. Ikona kuba butata bwa mwa lapa. Ikona kuba za mutu usili. Mwendi wa kula. Mwendi ki. . . Mwendi uyemi fo, inze utinile sesiñwi. Haiba ku cwalo, ku bona fela sesi ka ezahala. Mwabona? Mwendi usweli ku likanyisa sesiñwi. Kaufela seo sili sona, Ha ni zibi. . . Wa kona kuba mulumeli wa niti. Sani ha Ni zibi, kono Mulimu waziba. Kono uka ziba kamba Na ni bulelezi niti kamba kutokwa, nji cwani? Haiba ki niti, uka ziba.

²⁶⁴ Cwale, mwabona, fani kona fo tumelo ya hao i fitile. Uka tabela cwani kutaha kwanu? Haiba yomuñwi ulumela kuli ki mafosisa, mu tahe kwanu mi munge mukuli yo, mutahe kwanu mi munge kaufela bona. Mi haiba hamuna kueza cwalo, konakuli musike mwa ni nyaza. Mwabona?

²⁶⁵ Cwale talima kwanu, kezeli, fa muzuzu fela. Cwale Na hakuna seni ziba, hakuna sesiñwi ka wena. Wena u musali fela ya yemi fo.

²⁶⁶ Cwale haiba Mulena Jesu Kreste, yena Mwana Mulimu, Yena ye Ni zibahalise ka Bibebe, na sepisize kuli Uka kuta mwa mazazi a maungulo ni ku i patulula Iliyena mwa mutalelela wa Moya wa Hae.

²⁶⁷ Sina fela Keleke yeka taha; inge yezwa ku mutu, kuya cwalo kufita kwa mautu, kutaha cwalo kufita fa malupi, ku yofita kwa toho, mi toho ki toho ya mubili. Mi Mubili u kwanile, kukalela kwa Keleke ya pili, utahe fa halimu cwalo, ku se, mwahala ku cinciwa, utile kutofita ni cwale. U tahile kufitela mwa kubizwa ka kutapiswa, kukeniswa, kolobezo ya Moya o Kenile. Cwale seli Toho (Kreste) yetaha kwa Mubili, ona Mubili wa Kreste. Ki yena

Ya ziba. Lizoho laka hali zibi sa kueza, ka toho yaka fela. Kono Ki Yena Ya ziba, ki kabakaleo Hali Linzwi.

268 Na hani Linzwi. Ni mutu. Kono, mwa bona, Yena u itusisa mubili wo. Kakuli, Na shwile kuli a kenise mubili wo, kuli Akone kuitusisa ona, ni kufa mpo. Inge fela ku zusa mwa muzamao, kipeto Moya o Kenile wanga sibaka.

269 Kasamulaho, haiba Uka zibahaza kamba kuku bulelela so ezize, seo utezi kwanu, kamba sesiñwi ka wena, uka si lumela. Mi sicaba kikuli sika lumela ka kuswana? [Puteho ili, “Amen.”—Mu.] Mi cwale Mulena Mulimu a alabe cwalo.

270 Cwale Ni nga moya kaufela, mwahali mo, mwatasa tamaiso yaka, ka kanya ya Mulimu. Cwale muine mukuzize. Musike mwa zamaya zamaya.

271 Mutalime kwanu, fa nako nyana fela. “Mu talime kuna,” sina Pitrosi ni Joani nebali, hane bakena mwa munyako. Ka manzwi amañwi, fela muiseze ngana ku ze Ni bulelela. Mwabona?

Jesu na buzize musali lipuzo nyana. “Aku Nife kwa mezi.”

272 Mwabona, Ni bile ni kutaza, taba yeswana. Ndate uni lumile kutaha kwanu kwa—kwa Baton Rouge. Ni teni fa.

273 Ndate naize Na nani kuya kwa Samaria. Na inzi fani. Musali nali yena wapili ku bene batile ku Yena. Hana sisupo ni sesikana ku musali yani, mi munzi kaufela ki ha ubaka. Ki shutano mañi . . .

274 Mu nahahane, haiba Uka eza taba yeswana, busihu bwa kacenu, munahana kuli kaufela ba Baton Rouge neba ka baka? Na kakanya sani, mina bo? Kaniti na kakanya. Kono luinzi mwa mazazi a maungulo, foo bumaswe bufitile kusili kufita mone bu zibahalelanga.

275 Cwale buino bwa hao. Utile kwanu kuto lapelelwa. Kaniti luli. Mi ukula butuku bwa fa mumizo. Haiba yani ki niti, nanula lizoho la hao. Isiñi zeo fela, kono kuna ni yomuñwi yo sweli ku lapelelela. Ki mwana, mi mwana yani ukula fa mumizo. Mi ki buino bwa mumizo wa mwana, kuna ni litombo mwa mumizo. Kana wa lumela kuli Mulimu uka mu folisa, niyena? Taulo yeo yemwa lizoho la hao, yeo yo nanulezi ku Mulimu, kakuba paki. Usike wa kakanya cwale. Zamaya uyo beya taulo yeo ku mwana hao. Usike wa kakanya, ka pilu ya hao kaufela. Mulimu uka folisa sibeli sa mina ni ku kubisa hande. [Kezeli uli, “Kulumbwe Yena! Haleluya!”—Mu.] Kana wakona kueza cwana? [“Jesu! Ni Itumezi, Jesu!”] Kipeto uikele, mi Mulena abe ni wena. [“Kanya ku Mulimu! Haleluya!”]

U ikutwa cwani? Lu baeñi, niluna.

276 Kana mwa lumela? [Puteho ili, “Amen.”—Mu.] Sani kona sisupo. Cwale Linzwi, ki, “Kukuta kwa Linzwi!”

277 Hani ku zibi; Yena wa kuziba. Haiba Uka ni bulelela sika ka wena, kona kuli muka lumela kuli Linzwi lani le Ni mi bulelezi lika bonahaliswa? Yani ki—yani ki ponahazo ya Teni. Mwabona? Ni bulezi kuli U ezize; kwani ki ku polofita. Cwale haiba bupolofita bu to ezahala, kona kuli Naize, “Mu li utwe.”

278 Wena una ni maikuto aku ikalelwa hahulu kona zo kula, ku ikalelwa. Mi una ni kansa, mi kansa ye ifa liutu la hao. Yeo ki niti, nji cwani? [Kezeli uli, “Eeni.”—Mu.] Cwale kana wa lumela? [“Eeni, sha.”] Konakuli ikele mwa musipili wa hao, mi ulumele. Mi, hau nze u lumezi, konakuli kube cwalo ku wena.

279 Uikutwa cwani? Ha ni ku zibi, kono Mulimu wa kuziba. Kana wa lumela kuli Mulimu wakona ku ni bulelela matata a hao? U ni talime. Una ni matata. Kone wena uyemi ka mutu usili, mi yani ki yana hula ni wena. Ki kezeli. Yani ki niti. Cwale kana wa lumela kuli Mulimu wakona ku ni bulelela sesi fosahalile ni kezela hao yani? Kikuli uka si amuhela? Una ni butata bwa pilu. Yani ki niti. Kana wa lumela kuli uka foliswa cwale? Konakuli, kuya ka tumelo ya hao, kube cwalo ku wena.

280 Taha, kalibe. U ikutwa cwani? Haiba nji Mulimu uka ni bulelela butata bwa hao, kamba so ezize, kamba sesiñwi, kana sika kutusa ku lumela? Uziba kuli Na. . . Na—Na—Na hani kuzibi. Wani ikona kuba mufuta wa Hae wa ku iponahaza Iliyena ku na, kuya ka Linzwi la Na sepisize. [Kezeli uli, “Ni bata ku li lumela.”—Mu.] Wa lumela cwalo? [“Eeni. Amen.”]

281 Wena u yomuñwi, una ni butata bo musali wa lilimo za hao akona kuba ni bona, kono muhupulo wa hao o mutuna ki mutu usili. Takazo ku Mulimu; ubata Mulimu kono isi ka za hao, kono kiza yomuñwi fela, yani ki muuna. Ki muuna hao. Mi una ni butuku bwa pilu. Kana wa lumela Uka. . . Mulimu uka mu folisa? Zamaya, ulumele cwalo. Mi, hau nze ulumezi, kona mo ku kabelu ku wena.

282 Cwale, mwabona, kukutaza kaufela, ka hola yani yene Ni kutaza. Sani, nesili sona, batu baba lalu kamba babane ba fitile, cwale Hani sa kona kuyema fa. Mwabona? Mwabona, nyangela kaufela ibonahala sina mabisi-bisi cwalo, mwahali mo. Mwabona? Jesu naize, “Mata azwile ku Na.” Mi haiba musali alimuñwi, yana sweli sapalo sa Hae, na hohile mata kuzwa ku Yena, mi Yena ki Mwana Mulimu; kucwañi he ku na, muezalibi ya pilisizwe ka muhau wa Hae?

283 Yena ali, “Lika ze Ni eza muka li eza ni mina. *Zeñata* kufita ze kize mu ka eza.” Na ziba kuya ka King James uli, “zetuna.” Kono hamuka shimba toloko pili, ili, “*Zeñata* kufita ze kize muka eza.” Hakuna yakona kueza zetuna. Na zusize bafu, mi Na tuhelisizwe ze bupilwe, ni kueza lika kaufela. Kono Na ize, “*Zeñata* kufita ze ki ze muka eza, kakuli Ni ya ku Ndate.”

284 “Lifasi halina ku Ni bona; kono mina mu ka Ni bona, kakuli Ni ka. . .” Mutalime, “Na,” Na—Na ku tuloka ndina twa mutu.

“Ni kaba ni mina, mane ni mwahala mina.” Kutuha foo, haisali mutu. Ki Kreste.

²⁸⁵ Ni bulela cwalo, kuli ni nyungane pili hanyinyani, kuli ni kute kuba na. Muka ikela kwahule kufitela muba fa sibaka kasamulaho wa nako...Haisi ka nako hamusa inzi fahalimu *fani*, kamba fafasi *fa*; ki mwahali. Ki babakai baba utwisisa seo? Na ziba mwa—mwa nahana kuli mwa utwisisa. Na utwisisa, nina.

²⁸⁶ Kana mwaziba kuli baloki ba litoko ni bapolofita ki batu baba ikalelwa kamita? Ki babakai babaziba cwalo?

²⁸⁷ Ki babakai baba balile kaza William Cowper, muloki yomutuna wa Sikuwa? Mwa ziba, nañezi kuli, “Kuna ni siliba sesitezi Mali, azwile mwa misinga ya Emanuele.” Kasamulaho wa kuñola pina yani, kana nemuutwile zene ezahalile ku yena? Ne niyemi fa libita la hae haki kale hahulu. Nalikile kuli aipulaye, mi anwela mwa nuka.

²⁸⁸ Ki babakai babakile bautwa kaza Stephen Foster, ufile ba America lipina ku banca? Na nani yona mwa toho kono isiñi mwa pilu. Nako kaufela yeo hana fitelwa ki susumezo, nakona kuñola pina. Mi cwale susumezo hane imusiya, nasazibi sa kueza yena muñi, mi na latehile. Na—na—naile kwa kuyonwa. Mi mafelelezo hana kalile kuzwa mwa susumezo yani, na bizize mutanga, mi kiha anga kabemba ni kuipulaya. Yani ki niti.

²⁸⁹ Mutalimele Elia, yena mupolofita. Naile kwande kwani ku yobiza mulilo kuzwa mwa lihalimu; nabizize pula kuzwa mwa lihalimu ka lizazi lapili; ni kukwala mahalimu ni kueza lika zani kaufela. Mi cwale susumezo hane imusiile, naile mwa lihalaupa mi alakaza kushwa. Mi Mulimu a mufumana, mazazi a mashumi amane kasamulaho, ahohiwa kuzwa mwa liñope la licwe. Ki cwalo nji?

²⁹⁰ Mutalimele Jonasi, yanali mupolofita. Kasamulaho wa kufa liñusa la hae, naile kuyo ina fa lilundu, akupa Mulimu kuli amutuhele mi ashwe. Uh-huh. “Lukulula mutanga Hao azamaye ka kozo.”

²⁹¹ Batu ha ba utwisisi zani. Batili, batili, hamuna kukona. Nina ha Nikoni ku sitalusa, nihaiba mutu yomuñwi hakoni. Hamukoni ku tatulula Mulimu. Mulimu hazibwi ka lipatisiso za sayansi. Mulimu uzibwa ka tumelo. Lwa Mu lumela. Mukona kutalusa cwani? Ikaba cwani tumelo, nihanyinyani? Luziba Mulimu ka tumelo.

²⁹² Keleke haina kuziba mukatalo ni mutiyo, ni maswenyeho ni manyando, alikile kutahiswa ka Lona, ona Liñusa. Wa eza. Mupuzo waka hauzwi kwa batu.

²⁹³ Talima kwanu, kalibe. Eeni, kapili. Musali yani unani muluti wa lifu. Mulimu hana kutaha ku musali oanfo kapili fela, Na bona...Kana hamuboni bunsu bwani bo bulepelela fa halimwa

hae? Uka shwa, kuya kamo lizibela lifasi. Kwanu haki kale hahulu, neba kopile siswaniso sa sika sesiswana sina cwalo, mi nina ni sona kwandu. Una ni muluti omunsu olepelela bukaufi ni yena. Una ni muluti wa lifu.

²⁹⁴ Musali yomunyinyani you bile ni kupazuliwa. Mi mwa kupazuliwa kwa, neba pazula bakeñisa kansa. Mi cwale una ni matata, mifuta kaufela ya—ya, kulukile, ki matata fela. Nto yeñwi, wa fokola hahulu haukoni kuyema. Taba yeñwi, kikuli kuzwa mwa misinga yezusa mezi kufita bulalu. Cwale, ili kuli musike mwabona kuli Ni bulela fela. Mwabona? Yani ki niti. Kono, kalibe, mualafi nalikile. Ni mufa tumbo ka sani. Kono, nali mulyani, kono Mulimu ki yena kalafo. Uak shwa ona cwalo. Yena uezize kaufela zana kona kueza. Kana wa lumela? [Kezeli uli, “Eeni.”—Mu.] Taha kwanu, fa muzuzu fela.

²⁹⁵ Ka tumo yefilwe kuna ka Mulimu Yamata, kupakiwa kuna ka Lingeloi, lona leliliteni mwa mufuta wa Siita sa Mulilo, Ni halifela diabulosi yo yasweli kunga bupilo bwa musali yo. Ka Libizo la Jesu Kreste. Amen.

Zamaya, ulumele cwale. Ka seo kaufela sesili ku wena, ulumele.

²⁹⁶ Una ni butata bobu bulaya batu babañata kufita sika sisili kaufela, butuku bwa pilu. Babulela kuli bwani kona butuku bwa pili kwa matuku abulaya kapili, kono haki bona, shaa. Sibi ki butuku bwapili kwa matuku akusa lumela. Kana wa lumela kuli Wakona kufolisa pilu yani ni kukubisa hande? [Muzwale uli, “Na ziba Wa kona.”—Mu.] Konakuli zamaya, ulumele cwalo. Mulimu aku fuyole.

²⁹⁷ Uhupula kuli Mulimu wakona kufolisa mukokoto wa hao ni kukubisa hande? Kana wa lumela seo ka pilu ya hao kaufela? Zamaya, ulumele cwalo, kezeli. Utokomele sesi ezahala ku wena, ukaba hande.

²⁹⁸ Kuopa mwa lingongo ni butata bwa pilu. Kono wa lumela kuli Mulimu wa kubisa hande? [Kezeli uli, “Na eza cwalo.”—Mu.] Ka pilu ya hao kaufela? [“Eeni, sha.”] Uka iamuhela? [“Eeni, sha.”] Kuya ka mo ulemelela, kona mo kukabela ku wena. Cwale zamaya, ulumele ka pilu ya hao kaufela, mi Mulimu uka kubisa hande.

²⁹⁹ Una ni butata bwa mukokoto hape. Kana wa lumela kuli Jesu Kreste wakona kukubisa hande? [Kezeli uli, “Eeni, sha.”—Mu.] Zamaya cwale, ulumele ka pilu ya hao kaufela. Na hanikoni kuku folisa, wabona.

³⁰⁰ Kalulo yeñwi ya siluto, ku ikalelwa, mi hape una ni butuku bwa kuopa mwa lingongo. Kana wa lumela kuli Mulimu wakona ku kueza hande, ku kufolisa? Kana wa iamuhela? Zamaya, mi ulumele, kanti.

301 Ubanga ya tona fa nako yetelele, unzo hotola. Kono Mulimu wafolisa sifuba. Kana wa lumela cwalo? [Muzwale uli, “Eeni, sha.”—Mu.] Kana wa lumela kuli Wa kubisa hande cwale? [“Eeni, sha.”] Mulimu aku fuyole. Ni itumezi, ka tumelo ya hao.

302 Kucwañi he kambe Ne ni sika bulela nihaiba linzwi ku wena, hane ni ka beya fela mazoho aka ku wena, kikuli no ka lumela? [Muzwale uli, “Eeni.”—Mu.] Taha kwanu. Na kubeya mazoho, ka Libizo la Jesu Krete, mi cwale kuopa mwa lingongo kuzwe ku wena. Za zwa.

303 Taha. Taha, kezeli. Kana wa lumela? [Kezeli uli, “Eeni, sha. Ni kile na foliswa ki Mulena.”—Mu.] Kulukile, sani ki sesinde. [“Haleluya!”] Konakuli uye uyoicela mulalelo wa hao he, mi mba ya hao ikaba hande. [“Haleluya! Haleluya! Haleluya!”]

304 Matuku a mukokoto amañata, akile a kukataza fa nako yetelele. Zamaya, ka kulumela kuli. . . Zamaya, ka kulumela kuli ukaba hande, mi Mulimu uka ku ezeza zona ili yena. [Muzwale uli, “Mulimu upetile cwalo. Amen.”—Mu.] Amen. Kona cwalo. [“Kulumbwe Mulena.”] Mulena aku fuyole, muzwale. Amen.

305 Butuku bwa shuka ki noto, kuli Mulimu amu folise. Wa kona kuba eza hande. Kana wa lumela cwalo? [Kezeli uli, “Na eza cwalo.”—Mu.] Ku lukile. Uamuhele cwalo, mi uye unzo ulumela ku Yena cwale ka pilu ya hao kaufela.

306 Hape una ni zona mwa mali a hao. Kana wa lumela kuli Mulimu wakona kukubisa hande? Zamaya, ulumele ka pilu ya hao kaufela, mi ube hande.

307 Wa lumela kuli Na kufolisize fani sani hane si ku wezi? Na kufolisize.

308 Butata bwa kezeli. Butata bwa pilu. Wa lumela cwalo? [Kezeli uli, “Na lumela.”—Mu.] Zamaya, ube—ube ya folile ka Libizo la Jesu.

309 Wa lumela kuli Mulimu wakona kufolisa mukokoto wa hao kuubisa hande, lipiyo za hao likaba. . . Aku fuyole! Uzamaye fela ona cwalo.

Na hanifolisi. Hani koni kufolisa. Na hani mufolisi.

310 Kiñi so hupula fani ha Na bulezi ka mukokoto wa hae, kana wa lumela kuli ni wa hao no folile, niona? Ku lukile, uzamaye fela, unze ulumela, konakuli. . . Uzamaye fela unzo lumela, ka pilu ya hao kaufela.

311 Ni zao hape, kana wa lumela kuli Mulimu wa kubisa hande? Zamaya, ulumele cwalo, ka pilu ya hao kaufela. Mulimu uka lumeleza cwalo haiba wena. . . Ulukela ku lumela cwalo, niteñi.

312 Kana wa lumela kuli Mulimu wakona kukubisa hande, ni wena? [Kezeli uli, “Kulumbwe Mulena! Na eza cwalo kaniti.”—Mu.] Ku lukile. Mulimu aku fuyole. Uzamaye fela na cwalo kwa pata mi ulumele ka pilu ya hao kaufela.

313 Amutahe, sha. Ki mucembele wa kale yanza taha. Kalafo ya sani ika bonisa butuku bwa shuka. [Muzwale uli, “Butuku bwa shuka.”—Mu.] Kana wa lumela kuli Uka kubisa hande? Haluyeñi kwa Kalvari kwa kufiwa mali cwale. Ka tumelo, ka Libizo la Jesu Kreste, abe ya folisizwe. Amen. Mulimu aku fuyole, muzwale. Ulumele ka pilu ya hao kaufela. Kana wa lumela? [“Kiniti luli.”]

314 Kucwañi cwale ku mina babañwi mwahala sicaba cwale? Kana mwa lumela ka lipilu zamina kaufela, kuli Jesu Kreste ki yaswana maabani, kacenu, ni kuyakuile? Kana mwa lumela cwalo? [Puteho ili, “Amen.”—Mu.]

315 Kucwañi he ka sikiliti *se*? Kalibe yomunyinyani yainzi, inza ni talimile, inza kulaka butata bwa sisali, kana wa lumela kuli Mulimu uka kubisa hande? Uapezi fela koti ya mubala wabu ndilu. Ku lukile. Ulumele cwale, Jesu Kreste wa kubisa hande. Ki bunolo bobu cwalo.

316 Kalibe yainzi kwa mulao wa hao luli, wa milili ye minsu. Ki hali, “Ni Itumezi, Mulena.” Sesiñwi si mu wezi. Na sa zibi kuli Neli sikamañi. Butata bwa sibulukelo sa mezi a maswe bu kusiile, hane usa inzi fani, kwa mulaho wa kalibe nofolile ona fani. Haiba ulumezi ka pilu ya hao kaufela fani, kezeli. Wa lumela cwalo? Ku lukile, nanula lizoho la hao haiba ubata ku amuhela. Mulimu wa kubisa hande.

Kucwañi he ku babali fafasi fa, yomuñwi mwahali *mo*?

317 Kwa mulaho kwani mwahala sicaba, cwale ka likuta luli. Musike mwa zamaya. Mwabona, matuku aa akazwa ku yomuñwi kukena ku yomuñwi.

318 Kucwañi he ka wena, muñaka sha? Muuna muhulu yo yainzi fa mwa sipula *se*? Kana wa lumela? Kana wa lumela kuli Mulimu wakona kuku folisa? Kuopa mwa lingongo, hape una ni butuku bwa sihotolwa. Wa lumela kuli Mulimu uka bisa seo hande? Waeza cwalo? Ku lukile, wakona kuba ni so no kupile. “Haiba ukona fela kulumela!”

319 Kiñi so nahana, kalibe, wena yanzi bukaufi ni yena? Kana wa lumela, ni wena? Kana wa lumela? Kana wa lumela kuli Mulimu wakona kuni bulelela seo butata bwa hao buli sona? Wena uzwelela kwa hule hule luli. U Mu lumele fela cwale. Kana wa lumela kuli Ni ku bulelezi Niti? Konakuli kukatazwa ki mali kwa hao kuta mwatasi. Kana wa lumela cwalo?

320 No nanuzi lizoho la hao, ni wena. No lika ku mu susueza. Kana wa lumela kuli Mulimu wakona ku ni bulelela sesi. . . Ubile hande kwa ku mutusa, cwale Mulimu ukaba hande kwa ku kutusa ni wena. Unga ni Butata bwa moya bobu ku katalize. Haiba yani ki niti, nyanganyisa lizoho la hao sina *cwana*. Ku ka fela cwale. Uka si lukisa.

321 Ki babakai baba lumela? Ki babakai ba mina baba ka- . . . babasi Bakreste, baba na—baba na ni maikuto akuli Jesu Kreste

uteñi mo onafa, babakai tabela kuyema cwale, muli, “Jesu, Ni tabela kuitibahaza ili na kuba muezalibi, ki kuli Uka ni swalela libi zaka?” A ba yeme. Mulimu aku fuyole, sha. Mulimu aku fuyole. Mulimu aku fuyole. Mulimu aku fuyole. Mulimu aku fuyole. Sani. . . Mulimu aku fuyole, wena, wena, wena. Se, Wa ku bona. Uka beya libizo la hao hauka eza cwalo.

³²² Kwa neku le mwa malibela, ha muyeme, muli, “Mulena Jesu, Ni bata ku, Ni bata kuli ni itibahaze. Ni bata sishemo ka moyo waka.” Mulimu aku fuyole, sha. “Ni bata sishemo, Mulena Jesu.”

³²³ Kana ha uboni, mulikani, yani ki Yena? Mulimu aku fuyole, mutangana. Mulimu aku fuyole. Mulimu aku fuyole, kalibe yomunyinyani. Sani ki sika sesituna ka kufitisisa so kile wa eza. Cwale yomuñwi yasika eza kale seo, aku yeme, muli, “Ni bata ku itibahaza, Mulena Jesu. Na itibahaza ili na, busihu bo.”

³²⁴ “Yena ya ka ipulela libi za hae, uka fumana kushemubiwa. Haili ya pata libi za hae, haana ku kondisa.”

³²⁵ Kana ukaeza seo, fa Pila Hae? Mulimu aku fuyole, kalibe. Ni bata. . . Mulimu aku fuyole. Eeni. Mi Mulimu aku fuyole. Mulimu aku fuyole, sha. Mulimu aku fuyole, kalibe. Mulena aku fuyole.

³²⁶ Muli, “Kana sani sitalusa nto yeñwi?” Mwahala bupilo ni lifu, yani kona shutano.

³²⁷ Kana mwa lemuha Pata ya Hae fa? Kana mwa lemuha seo? Kikuli mwa lemuha sani? Mwabona, mwa Si bona kana, mwa Sibona hasibeleka. Yani ki Yena. Zani kona za Na bulezi kuli Uka eza. Kana mwa lumela cwalo? [Puteho ili, “Amen.”—Mu.]

³²⁸ Mutu yomuñwi uli, “Ni bata kuitibahaza ili na ka kuba muezalibi, Mulena. Uni swalele ka libi zaka.” Haiba muyemi kale, amu nanule fela mazoho amina. Babañwi ba mina mwa matuko a limota, munanuhe. . . Mulimu aku fuyole. Mulimu aku fuyole. Mutu yomuñwi uli, fa sibaka sa malibela a fahalimu kuya kwa mulaho, muli, “Ni bata kuitibahaza ili na, Mulena Jesu. Ni ku pa sishemo, busihu bo, fa Pila Pata ya Hao ya bumulimu, ka kukulumela kuli, yena Mulimu yaswana yaka ni atula, Pata ya Hae iteñi fa cwale. Wa ziba kuli U ambola kwa pilu yaka ni kuni bulelela kuli Ni fosize. Ni bata kuyema mi Ni bulele kuli Ni fosize. Na bakela libi zaka. Wa ni nyaza, mwa pilu yaka.” Kona libaka ha Ni tuhelimize mukoloko wa kulapelela. Mulimu aku fuyole. Mulimu aku fuyole.

³²⁹ Kiñi se mu hupula kuli kona sene Ni tuheliselize? Ne ni tuhelimize kakuli Ne niziba kuli sani nesina ni ezahala.

³³⁰ Cwale, kuna ni babañwi mo, kiñi hamusike mwa yema? Muyeme mi mubulele kakuli Sesiñwi sibulela ni pilu yamina, u fosize. Mulimu aku fuyole, sha. Mulimu aku fuyole. Mulimu aku fuyole. Mulimu aku fuyole. “Ni fosize. Uni swalele, Mulena. Na itibahaza ilina. Na yema, Mulena, fa Pila Hao. Na ziba Uteñi mo.

Na . . . U lukela kuba mo. No ize kuli ye neikaba—neikaba yona taba yo No kaeza. Cwale Ni kaba . . . Ni bona sisupo, mi Na ziba kuli kuse kotalusizwe kale kuna kuli sani silukela kuba sisupo sa lizazi la kacenu. Ni utwa Linzwi lene libizeza kwa kubaka. Ki Na yo fa, Mulena. Na lumela sisupo. Ni utwa Linzwi.”

³³¹ Linzwi la ambola ku mina! Musikuluhe, O mina baba latehezi mwa naha ya basili! Mukute, O mina linaledi ze latehile! Mukute, O mina baba yambaezi kwande! Mukute, busihu bo!

³³² Kana hamuna kukuta? Muyeme fela mi muli, “Na itibaha ilina kuba muezalibi, ya kupa sishemo.” Kana mukaeza cwalo, mutu yomuñwi fela? Mulimu aku fuyole, kalibe. Mulimu aku fuyole, fahalimu fo, mushimani. Haiba Ni ku tonda, Hana kueza. Mulimu aku fuyole, kezeli. Sani ki sesinde luli. Sani ki sesinde luli. Mutu yomuñwi hape? Muine fela . . . Ni bata ku libelela fela fa muzuzu nyana, kakuli Ni sa ikutwa ku bani mutiyo nyana mo, mwabona. Mutu yomuñwi hape? Mulimu aku fuyole, kalibe. Yani kona nzila mwa ku ezeza za teni. Kona cwalo. Mutu yomuñwi hape, “Ni bata kuitibahaza ilina, kuli Ni yeme fela mi ni bulele kuli ni fosize. Ni kupa sishemo”? Kana muka eza cwalo? Onafa kapili lusikazwela kale pili, muyeme mi muli, “Ni bata ku itibahaza ilina, Mulena Jesu.” Mulimu aku fuyole, kalibe yomunyinyani.

³³³ Mwa ziba, mwendi mu sikaya kale kwa malapa, kono nako yeñwi kamba cwalo kukataha puka fa pila pata ya hao. Mwendi kakusasana omuñwi mualafi uka taha kuto utwa mo inatela pilu ya hao mwa misinga kwa mazoho a hao, hakuna sesifiñwi sesika ezahala. Kona kuli muka utwa mandingwe abata a lifu aka fukela fa pata ya mina. Muka hupula se mu ezize.

³³⁴ Muhupule, habana kuku pumbeka ka kutungisa, hakuna seba ka ku ezeza. Mulimu na sepisize, “Ni ka ku zusa hape, ka lizazi la mafelelezo.” Mutalime. “Ya utwa Manzwi Aka ni kulumela ku Ya Ni lumile, una ni Bupilo Bobusafeli mi hana kutaha kwa Katulo, kono sa silile kuzwa kwa lifu kukena mwa Bupilo.” Yomuñwi alibale Seo haiba mwakona. Jesu Krete naize Cwalo. “Ya lumela kaufela, yani ki, ya utwisisa Manzwi Aka mi alumela ku Ya Ni lumile, una ni Bupilo Bobusafeli, hana kutaha mwa Katulo, kunyaziwa, kono usilile kuzwa mwa lifu kukena mwa Bupilo.” Kakuli, u lumezi ku Mwana Mulimu wa libanda, yo Mulimu na zusize, myaha ye likiti zepeli kwa mulaho, mi wapila kacenu, busihu bo, inza bonisa mihupulo ya Hae ya zuho ya Hae.

³³⁵ Kana hakuna kuba yomuñwi yaka yema, kasamulaho wa seo, yomuñwi abulele kuli, “Ni bata ku I amuhela. Ni bata ku Mu amuhela.” Mulimu afuyole. Mulimu aku fuyole. Sani ki sesinde luli, kalibe yomunyinyani. Sani ki sika sa butokwa. Ni bata kuli mulemuhe.

³³⁶ Ne nitalima mukoloko wa ba kulapelela, kwanu ka nako yeñwi, sicaba sinze sitaha, inze ba tafuna tafuna cwingamu, banze ba ngubana yomuñwi ni yomuñwi mwa makupo.

³³⁷ Kono kana ne mulemuhile kusepahala kwa fa lipata za bona? Basali bani babanyinyani, nihaiba kasumulaho wa ku banyaza kaza milili ya bona ye kutilwe, banze baipeile mipende; ni mipende yani ona cwalo, ni milili ye kutilwe, nebayemi ona fani ka kuswana, “Ni muezalibi. Uni utwele makeke, Mulimu.” Zani ki Lipeu zeinzi fani. Liseli li monyehezi fateni, mi ba liziba. Mulimu ami fuyole.

Halu inamiseni litoho zaluna cwale.

³³⁸ Ni bata mulumeli kaufela mo, ya yemi bukaufi ni mutu yana yemi, mubeye lizoho la mina ku mutu yo, (mukaeza cwalo?), bona bene ba yemi. Ya yemi bukaufi ni mina. Haiba mu Bakreste, muotolole lizoho la mina, ku kezeli, muzwale, “Ni nani lizoho laka ku mina cwale. Ni ka lapela.”

³³⁹ Ndate ya kwa Lihalimu, kuna ni bani mo busihu bo bao—bao balumela ku Wena. “Peu yeñwi yawela mwa nzila,” Wa li, “linyunywani za taha za to ica. Yeñwi yawela mwa mubu wa macwe, ni miutwa ni liseto. Kono yeñwi yawela mwa mubu, omunde onunile.” Mi Pata ya Hao haiba mo, busihu bo, ikolwisize babañata mo busihu bo kuli Wena u Mwana Mulimu, kuli Wa pila kamita ni mita. Mi U sepisize, kakuli Wa pila, lwa kona kupila ni luna cwalo.

³⁴⁰ Mulena Jesu, ba nanuhile ni kuyema ka kuba bupaki bwa kuli ba lumela ku Wena. Cwale, Mulena, Na ziba Uka ba yemela ka Lizazi lani. Lumeleza cwalo, Mulena. Ni bafa ku Wena, ka Libizo la Jesu Krete. Mi habaye kwa keleke yeñwi yende mi ba yo kolobezwa ka kolobezo ya Bukreste. Mi baikopanye kwa sikwata sesiñwi sa balumeli. Mi habatazwe ka Moya o Kenile. Ba be mipuzo ya Evangeli, macwe a benya mwa mushukwe wa Hao ka Lizazi lani. Mi haiba Hanina ku ba bona hape kwa neku le la Lizazi lelituna lani, nikupa kuli Ni yo ba bona ka Lizazi lani sina mwa pono, habakali, “Kana ha uni hupula nji? Neli kwa Baton Rouge, busihu bwani, fani hane Ni yemi.” Lumeleza cwalo, Ndate. Ki ba Hao, ka Libizo la Krete.

³⁴¹ Fa ku nani, fapila ka, ki ka pongisi ka litaulo, tukatulo totunyinyani, twa sikenelela, litaulo, ni litino, ni masila abutokwa. Lu lutilwe, mwa Bibebe, kuli ne ba ngile kuzwa ku Mulatiwa Paulusi, litaulo ni masila abutokwa, mioya ye masila neizwa mwahala sicaba. Cwale, Ndate, luziba kuli haki luna bo Mulatiwa Paulusi, kono Wena usali Mulimu yaswana, kacwalo Ni lapela kuli Uka lumeleza linepo ze swana, kuya ka kulumela kwa busepahali bwa lusika loo. Neba sika lumela Paulusi kakuli nali Paulusi; nebalumezi Paulusi kakuli No itibahalize Iliwena ni Paulusi. Cwale balumela nto yaswana busihu bo, Mulena, kuli

U zibahalisizwe mwahala luna, busihu bo. Mi zazi leliñwi, lu bulela kuli . . .

³⁴² Muñoli alimuñwi na lu bulelela, kuli, “Isilaele ali mwa nzila ya hae ya kuya kwa naha ya sepiso, mi Liwate Lelifubelu lato yema mwa nzila, kuba tibela kuzwa kwa naha ya sepiso.” Muñoli naize, kuli, “Mulimu na talimile fafasi kufitela mwa Siita sa Mulilo sani, ni meto a bunyemi, hane Li zamaya fa halimwa Isilaele. Ne liezize bubofu, lififi ku baba sa lumeli, ni liseli kwa Isilaele. Mi cwale Liwate lani Lelifubelu hane liyemi mwa nzila, neli sabile, mi kiha lisaba, mi Isilaele asilela kwa naha ya sepiso fa mubu o omile.”

³⁴³ Mulena Mulimu, utalime fafasi busihu bo, kufitela ka Mali a Jesu Kreste, Mwana Hao. Haninze Ni beya mazoho aka fahalimwa litaulo ze; ha lika beiwa fa bakuli, Moya o Kenile, Mulena, utalime ku mutu yani, mi butuku buzwe fateni, mi ha ba silele mwa naha ya buiketo bobunde bobutiile. Kuli, Bibeles iize, “Fahalimwa lika kaufela,” kakuli ba lakalize kuli lube “baba petehile mwa buiketo.” Lumeleza cwalo, Mulena. Na liluma, ka Libizo la Jesu Kreste. Amen.

. . . na Ni ka latelela,
Kwa Aka ni isa . . . (halu opeleni fela) . . . nika
latelela,
Ni kaya ni Yena, (cwale Pata ya Hae iteni mo,
halu Mu lapele fela mwa pina, hamunati),
nzila kaufela.

³⁴⁴ Mwakona kuopela sina cwana?

Kwa Ni isa Ni ka latelela,
Kwa Ni isa Ni ka latelela,
Kwa Ni isa Ni ka latelela,
Ni ka ya (haiba mwa lata, cwale munanule
mazoho amina), ni Yena nzila kaufela.

Halu yemeni cwale, munanule mazoho amina hape.

. . . Yena mwahala simu,

³⁴⁵ Mutu kaufela muopele mwa Moya cwale. Liñusa leli buhali luli. Halu Mu lapeleñi fa Pila Hae. U tabela ku lapelwa.

. . . mwa simu,
Nika ya ni Yena mwa simu,
Nika ya ni Yena, ni Yena nzila kaufela.

³⁴⁶ Cwale halu iñuñuñeñi. “Na kona . . .” Cwale hamunze mueza cwalo, Ni bata kuli mu itumelise mazoho ni yomuñwi, muli, “Mulimu aku fuyole, muzamai. Mulimu aku fuyole, muzamai,” sina cwalo. Lu batu bali bañwi hamoho. Methodist, ni Baptist, Presbyterian, Pentekota, kaufela mu swalane mwa mazoho yomuñwi ni yomuñwi. “Mulimu aku fuyole, muzamai.” Sani kona se lubezi mo: bazamai.

. . . mwa simu,

347 Mulimu aku fuyole, muzamai. Mulimu ami fuyole. [Muzwale Branham ni puteho bazwelapili ku itumelisa ka mazoho. Hakuna manzwi fa tepu—Mu.]

. . . simu,


Cwale lu nanuleñi mazoho aluna.

Ni kaya ni Yena, ni Yena nzila kaufela.

348 Halu inamiseni litho zaluna, ka ku ikokobeza, mwa tapelo. Musike mwa libala, ka kusasana, ki sikolo sala Sunda.

349 Mwa miinelo ye kamba yemiñwi, Ni lemuha fela Kubatani kwa Mulimu kuli ki kwa niti luli mwa pilu yaka. Ki nto yetata hahulu fela kuli ni zamaye, busihu bo, fokuñwi. Ni ikutwa kuli Moya o Kenile utabezi, busihu bo. Kaniti lukaba ni mukopano o mutuna kamuso, kubona sicaba hasi taha ku Krete, mwa bona. Babañwi neba komoka kuli kiñi ha Ni sika bizeza batu kwa pata. Ni libelelanga kufitela Ni etelelwa kueza cwalo. Mwabona?

350 Ni sepa kuli mutu kaufela yana nanuzi lizoho la hae, kamba kuyema, Ni sepa kuli mukaba kwa keleke yende yeñwi kamuso, muikungele sibaka sa mina mwahala balumeli.

351 Halunze luinamisize litho zaluna, ni ka kupa bo mulisana kutaha kwa pata, haiba bakona, kuli bato lu lukulula. Mulimu ami fuyole cwale, ni litho zaluna ze inami fapila Mulimu. 

LINZWI LA SISUPO LOZ64-0321E

(The Voice Of The Sign)

Liñusa le ka Muzwale William Marrion Branham, neli kotalizwe lwa pili mwa Sikuwa la Pelekelo manzibwana, Liatamanyi 21, 1964, ili fa Denham Springs High School mwa Denham Springs, Louisiana U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2016 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org